

جریہ عدلیہ

دوبئی سنہ

۱۱ شوال ۱۳۳۲ ۲۰ اگستوس ۱۳۳۰

نومرو ۱۱۴

چار شنبہ

قسط ۲۷

نوبہرات عدلیہ

بنداد ولایتی استیناف محکمہ سی اعضا ملازملکنہ تعین ایدیلن محمد رجب افدینک وقوع استعفا سنہ
بنائیرینہ ولایت مذکورہ مرکز بدایت محکمہ سی سر مستطقی ابراہیم فوزی افندی تعین اولنمشدر.
۷ رمضان سنہ ۱۳۳۲ ۱۷ تموز سنہ ۱۳۳۰

محمد رشاد

صدراعظم
محمد سعید

عدلیہ ناظری
ابراہیم

*
**

در سعادت و بلاد ثلاثہ صلح حاکم لکنہ طربزون و ارضروم و سیواس و لایترلی مفتش عمومی معاونی
مصطفیٰ بک تعین اولنمشدر.

بو ارادہ سنہ نک اجراسنہ عدلیہ ناظری مأمور.

۲۱ رمضان ۱۳۳۲ ۳۱ تموز ۱۳۳۰

محمد رشاد

صدراعظم
محمد سعید

عدلیہ ناظری
ابراہیم

*
**

در سعادت و بلاد نلته صلح حاکمکنه طریزون و اوضرو و سیواس ولایتلری مفتش عمومی معاونی مصطفی بك تعیین اولمشدر.

بواراده سنیه نك اجراسنه عدلیه ناظری مأمور.

٢١ رمضان ١٣٣٢ ٣١ تموز ١٣٣٠

نقد رشت

عدلیه ناظری
ابراهیم
صدر اعظم
محمد سعید

تلیفات عمریه

عمریه نظارت جلیله سنه ٧ اغستوس سن ٣٣٠ تاریخلی تحریرات عمومی صورتیر:

« اوچ یوز اوچ ، اوچ یوز طقوز سنه لرنده تولد ایدنلر ایله بوسنده کی افراددن

استثنا ایدیلنلر حقنده »

اوچ یوز اوچ ، اوچ یوز طقوز سنه لرنده تولد ایدنلردن یوز قرق سکزنجی ماده قانونیه ده کی اوصافی حائز اولانلرک ایلروده کوستره جکلی قابلیته کوره احتیاط ضابطی و یا خود احتیاط کوچک ضابطی اولمق اوزره برر سنه مدته تحت سلاحه آله جقلری و بونلر میاننده طقسان ایکنجی ماده قانونیه ایله ذیلاً نشر و اعلان اولنان مواد قانونیه ده استثنالری کوستریلن مأمورین اصحابندن اولوبده بر قلم و یا شعبه اداره منسوب بولنانلرک عمومیک بردن سوقی معاملات حکومتی سکتهدار ایدجکی دوشونیه رق مستثنیات ممائله نك مذکور یوز قرق برنجی ماده نك فقره اخیره سنده کی صراحت دائره سنده بر قلمده ایکی نفر ایسه قرعه ایله بریسی وایکیدن فضله چفت ایسه لر مجموعنک وتک ایسه لر بردن ماعداسنک نصفنک سوقیه دیکرلرینک و بو میانده ظهور ایده جک قائم مقاملرله ناحیه مدیرلرینک علی الاطلاق مذکور خدمتلیرینک کله جک سنه یه تأخیری لزومی حربیه نظارت جلیله سندن اشعار اولمشدر. کیفیتک ایجاب ایدنلره تبلیغی توصیه اولتور اقدم.

* *

عمریه نظارت جلیله سنه ٧ اغستوس سن ٣٣٠ تاریخلی تحریرات عمومی صورتیر:

« سن عسکریده بولنادقلری حالده موقع مأموریتلرینه دوام ایتمیلر حقنده »

سن عسکریده بولنادقلری حالده اخذ عسکر معاملاتنک شخصلرینه شامل اولیان مشغولیتنی وسیله اعتذار اتخاذا ایلره رک بعض مأمورینک موقع مأموریتلرینه دوام ایله مدکلری مع التأسف استخبار ایدلدی. احوال حاضره مناسبتیه هر زماندن فضله جدیت و اعتنا ایله ایفای خدمت لزومی مواجهه سنده بولوندیغی محتاج ایضاح دکلدرد. مأمورین مذکور به واسطه مطبوعات ایله دوامده انتظام، ایفای خدمتده اعتنا لزومی

تبلیغ ایدلش اولمغله تاریخ تبلیغدن اعتباراً عدم دوامی کوریه جک اولانلرک اسامیسنی محتوی برجدولی منتظماً نظارته ایصال ایلری

قوانیه و نظامات

مطبوعات جرائمک صورت رؤیتی حقنده ٥ رجب ١٢٩٦ تاریخلی اصول محاکمات جزائییه قانون موقتیه مذیل قانون

ماده : ١ مطبوعات متعلق جرائم اصول محاکمه جزائییه نك احکام عمومییه سی دائره سنده و صور آتییه ده رؤیت اولتور :

ماده : ٢ جرم عادیا ذم و قدحی متضمن اولدیغی تقدیرده مدعی عمومی طوغریدن طوغرییه محکمه یه تودیع مصلحت ایده جکدر.

ماده : ٣ بدایت محکمه سی ادعاییه یه آلدیغی تاریخندن اعتباراً نهایت اوچ کون ظرفنده مضمون علییه محکمه یه دعوت و مواد سائره یه ترجیحاً محاکمه یه رؤیت ایده جکدر.

ماده : ٤ مستنطق ادعاییه تاریخندن اعتباراً درحال و نهایت یکرمی درت ساعت ظرفندن مضمون علییه حضورینه جلب و استجواب و موافق قانونیه سی بولندجقه نهایت بر هفته ظرفنده اکمال تحقیقات ایله ایشی قرار قانونیه یه ربط ایتمه مجبوردر.

ماده : ٥ ذات مسئله هیئت اتهامیه یه تودیع اولنق لازم کلدیکی تقدیرده مدعی عمومی اوراق تحقیقییه درحال استیناف مدعی عمومییه ارسال و استیناف مدعی عمومییه دخی یکرمی درت ساعت ظرفنده هیئت اتهامیه یه تودیع ایده جک و هیئت اتهامیه ده قرق سکز ساعت ظرفنده قرار مضبوطه سنی تنظیم و اعطا ایلجه جکدر.

ماده : ٦ محکمه لر حکمک تاریخ تفهیمندن اعتباراً نهایت بش کون ظرفنده اعلامی تنظیم و اعطایه مجبوردر.

ماده : ٧ استیناف و تمیز دعوی و وقوعنده مدعی عمومیلر اوراق دعوائی کندیلرینه تودیع اولدیغی تاریخندن اعتباراً نهایت قرق سکز ساعت ظرفنده محکمه عاذه سنه تودیع مجبوردر.

ماده : ٨ استیناف و تمیز محکمه لری اوچنجی ماده نك فقره اخیره سی موجبجه دعوائی مستعجله رؤیت و حکم ایده جک و آلتنجی ماده ده محرر مدت ظرفنده اعلامی ویره جکدر.

ماده : ۹ اشبوقانونك اجراى احكامنه عدليه ناظرى مأموردر .

[قوهٔ اجرائیه ج ۱۲ شوال ۱۳۳۰ و ۱۱ ايلول ۱۳۲۸ تاریخندہ تنظیم و موقتاً موقع تطبیقہ وضع ایدیلن اشبو لایحه قانونیه ۲ تموز ۱۳۳۰ تاریخندہ مجلس عمومیه تعدیلاً قبول اولمشدر.]

مجلس اعيان ومبعوثانجه قبول اولتان اشبولايجه نك قانونيتي وقوانين دولته علاوه سني اراده ايلدم .

٣ رمضان ١٣٣٢ ١٣ تموز ١٣٣٠

محمد رشاد

عذلیہ ناظری
ابراہیم

صدر اعظم
محمد سعید

٢٨ ذى الحجه ١٢٧٤ تاريخى قانون جزائى ١٥٥ نجى ماده سنه مذيلى

فقرات حقنہ قانون

ماده : ۱ ۲۸ ذی الحجه ۱۲۷۴ تاریخی قانون جزا نك ۱۵۵ نجی ماده سسنه ذیل ثانی اولوق اوزره فقرات آتیہ علاوه اولمشدر :

« اشوقانونده ذکر و تصریح اولئان احوال دن ماعدا خصوصاً تده هر کیم آخره متعلق بر مصلحت ایچون بر معامله رسمیّه اساس اولق اوزره نفسنه ویاغیره بر منفعت تأمینی ویا آخره مضرت ایقاعی مقصدیله خلاف حقیقت اوله رق اخبار ویا شهادت ویا تصدیق متضمن هر نوع اوراق و شهادت نامه تنظیم و اعطا ایدر ویا خود دوائر و مأمورین مخصوصه سی حضورنده بویولده بیانات کاذبه ده بولنور ویا بویله خلاف حقیقت اوراقی بیلهرک استعمال ایلر ایسه بر آیدن اوچ سنه یه قدر حبس اولنور و بش عثمانلی آلتونندن یوز عثمانلی آلتوننه قدر جزای نقدی آلتور و ضرر وقوعه کش ایسه آیریمجه تضمین ایتدیریلور . »

ماده : ۲ اشو قانونك اجراسنه عدليه ناظرى مأموردر .

[قوة اجرائيه جه ۸ جادی الاولی ۱۳۳۲ و ۲۱ مارث ۱۳۳۰ تاریخنده تنظیم و موقتاً موقع تطبیقه وضع اولنان اشبو لایحه قانونیه ۳۰ حزیران ۱۳۳۰ تاریخنده مجلس عمومیه تعدیلاً قبول ایدلشدرد .]

مجلس اعیان و مبعوثانجه تعديلاً قبول اولسان اشبو لايحه نك قانونيتي و قوانين دولته علاوه سني اراده ايلدم .

۳ رمضان ۱۳۳۲ ۱۳ تموز ۱۳۳۰

محمد رشاد

عبدلیہ ناظری
ابراہیم

ادرنه ولایتی تشکیلات عدلیه سی حقنده قانون

ماده : ۱ ادرنه ولایتنه مربوط هر قضاده لزومی قدر بدایت محکمه سی وهر مرکز لوا اولان قضا ایله مرکز ولایت اولان قضاده بدایت محکمه لرندن ماعدا برده استیناف محکمه سی واردر .

ماده : ۲ هر بر بدایت محکمه سنک بر حاکمی و حاکم غیبوتتده کافه موادده و حاکم حضورنده
مأذون قیله جنی خصوصاتده حکمه مأذون اولمق و امور تحریرییه نظارت ایتک اوزره لدی الاقتضا بر
ویا متعدد معاونی و وظائف تحریرییه ایفا ایلک اوزره لزومی قدر کتسه سی واردر .

ماده : ۳ استیناف محکمه لری هیئت بر رئیس ایله ایکی اعضادن مرکدر . وهر استیناف محکمه سی معیتده اعضا ملازملریله بر باش کاتب و لزومی قدر کتبه بولنور . باش کاتب عندالحاجه اعضالق وظیفه سی دخی افاددر .

ماده : ۴ استیناف محکمه سی مواد جنایه پی رؤیت ایده جکی ائنده بر رئیس ایله درت اعضادن ترک ایدر .

ماده : ۵ هر بدایت واستیناف محکمه سی نزدنده بر مدعی عمومی ایله لزومی قدر معاون بولتور .

ماده : ۶ بدایت حاکمیری بدایت محکمه لریله صلح حاکمیرینک حائز اولدقلری وظائفی صلح حاکمیری قانوننده کی اصول محاکمه یه توفیقاً رؤیت ایتمکه مکلفدر. انجق قابل استیناف اولان مواد حقوقیه وتجاریه یه متعلق دعاوی عرضحال اعطاسیله اقامه ایدیله جک وبو قییل دعاوینک تابع اوله جنی شرائط ومدت استینافیه وتمیزیه ایله تمیزاً مرجع تدقیق خصوصاً لرنده اصول محاکمه حقوقیه قانوننه توفیق معامله اولنه جقدر . وعلی الاطلاق جزا دعوالرنده مدعی عمومی اثنای محاکمه ده حاضر بولنوب اصول محاکمات جزائییه قانونی موجبجه مکلف اولدیغی وظائفی ایفا ایده جکدر. بدایت حاکمیری هیأت اتهامیه نک حائز اولدیغی وظائفله ده مکلفدرلر. بووظیفه لرینک ایفاسی اثناسنده تدقیق ایده جکلری تحقیقات اوراقلنده نواقص کوریرلر ایسه نواقص مذکوریه یی یکان یکان اراشه ایله اکالی ضمنتده اوراق دعوائی تحقیقات اجرا ایدن مستنطقه اعاده ایلیه . جکلردر. بدایت حاکمیک هیأت اتهامیه صفتیه اتخاذا ایده جکی قرارلردن طولای مدعی عمومینک استماعه حاجت اولنوب مطالعه تحریره سسله اکتفا ایدیله جکدر .

ماده : ۷ قابل استیناف اولان دعاویده وقوع بولاجق توکیل یا حضور محکمه ده تسجیل یا خود محکمه شرعی ده ویا کاتب عدل حضورنده تقریر صورتیله و اصولی دائره سنده اجرا اولنور.

ماده : ۸ هر بدایت محکمه سی نزدنده لزومی قدر مستطبق بولنه جقدر، مستطبق قرارلری علیه مدعی شخصی طرفندن اصول محاکمات جزائیة قانوننک یوز اوتوزنجی ماده معدله سند معین احوال دن طولانی

اعتراض وقوى مقررات مذكوره لك اجراسنه مانع دكلدر. مستطقلرك اتخاذايده جكلرى منع محاكمه وتوقيف و تخليه دائر مقرراتك انفاذى رئيسك تصديقه متوقف دكلدر.

ماده : ٩ محاكم نظاميه نك تشكيلاى حقهده كى قانون و اصول محاكمه حقوقيه و اصول محاكمات جزائيه و صلح حاكملى حقهده كى قانون ايله قوانين سائر نك بوقانونه مخالف اولان احكامى ادرنه ولايته مخصوص اولق اوزره مرعى دكلدر.

ماده : ١٠ بوقانونك حكمى اعلانك فرداسندن اعتباراً مرعى الاجراردر.

ماده : ١١ بوقانونك اجراسنه ولزوم كوريله جك سائر محللرده دخى تطبيقه عدليه ناظرى مأمور وماؤنلدر.

[قوة اجرائيه ج ٣ ذى القعدة ١٢٣١ و ٢١ ايلول ١٣٢٩ ٩ ربيع الاخر ١٣٣٢ و ٢٢ شباط ١٣٢٩ تاريخلرنده تنظيم و موقتاً موقع تطبيقه وضع ايديلان اوچ قطعه لايحه قانونيه ٥ تموز ١٣٣٠ تاريخنده مجلس عموميه توحيداً و معدلاً قبول ايدلشدرد.]

مجلس اعيان و مبعوثانده قبول اولنان اشبولاىحه نك قانونيتنى و قوانين دولته علاوه سنى اراده ايلدم.

٣ رمضان ١٣٣٢ ١٣ تموز ١٣٣٠

محمد رشاد

عدليه ناظرى
ابراهيم
صدراعظم
محمد سعيد

٢٨ ذى الحجه ١٢٧٤ تاريخلى قانون جزانك ٦٠ و ٦٦ نجى مادهلرينه مذييل

فقرات حقهده قانون

٦٠ نجى مادهيه ذيل — « آلتشنجى مادهده ذكر وتعداد اولنان احوال خارجنده اوله رق برى و بحرى عساكر عثمانيه يى رأساً و نقلاً مقالات نشرى يا خود بر اجتماع عموميه و يا مجمع ناس اولان محللرده نطق ايرادى و يا خود مجتمع و يا متفرق اختلاطلر ايله تلقينات اجراسى صورتلرندن بريله اطاعت و انضباطدن خروجه تشويق و تحريك ايدنلر موقتاً قلعهبند اولنور. »

٦٦ نجى مادهيه ذيل ثانى — « آلتش آلتنجى مادهده بيان اولنان احوال خارجنده اوله رق قوانين و نظامات دولته عدم اطاعته خلقى تشويق ايله انضباط و امنيت مملكته تهلكه ايراث ايدجك صورتده مقالات نشر ايدنلر و يا صنوف مختلفه اهالى يى يكديكرى عليهه تجاوزه تحريك و تحريص يولنده نشر ياتده بولنانلر يا خود بر اجتماع عموميه و يا مجمع ناس اولان محللرده بو صورته ايراد نطق ايلنانلر ايكي آيدن ايكي سنهيه قدر حبس اولنور و بولنلر بوش ليرادن اللى ليرايه قدر جزاى نقدى آلتور. »

شبو قانونك اجراى احكامنه عدليه ناظرى مأموردر.
[قوة اجرائيه ج ١٢ شوال ١٣٣٠ و ١١ ايلول ١٣٢٨ تاريخنده تنظيم و موقتاً موقع تطبيقه وضع ايديلان اشبو لايحه قانونيه ٢ تموز ١٣٣٠ تاريخنده مجلس عموميه تعديل قبول اولنمشدر.]
مجلس اعيان و مبعوثانجه قبول اولنان اشبولاىحه نك قانونيتنى و قوانين دولته علاوه سنى اراده ايلدم.
٧ رمضان ١٣٣٢ ١٧ تموز ١٣٣٠

محمد رشاد

عدليه ناظرى
ابراهيم
صدراعظم
محمد سعيد

بانق عثمانى طرفندن تداوله چيقاريلان بانقنوطلرك ممالك عثمانيه نك هر طرفنده قبولنه دائر

قانون موقت

برنجى ماده بانق عثمانى طرفندن تداوله چيقاريلان بانقنوطلرك ممالك عثمانيه نك هر طرفنده كرك دولته افراد آره سنده و كرك بين الافراد وقوعبوله جق بالعموم تأدييات و صرفيات واخذ و اعطاده عين نقد كى تداول و قبولى مجبوريدر.

ايكنجى ماده اشبو مجبوريته رعايت ايتيانلره برليرادن اون بش ليرايه قدر جزاى نقدى و يا يكرى درت ساعتدن بر آيه قدر حبس جزاسى حكم اولنه جقدر.

اوچنجى ماده بوقانونك مرعى اولدينى مدتجه بانق عثمانى بانقنوط بدلاتى نقداً تسويه مجبوريتندن و ارستهدر.

دردنجى ماده اشبو قانون تاريخ نشرنندن معتبردر.

بشنجى ماده اشبو قانونك اجراسنه عدليه و ماليه ناظرلرى مأموردر.

مجلس عمومينك اجتماعنده قانونيتى تكليف اولنق اوزره اشبو لايحه قانونيه نك موقتاً موقع مرعيتيه وضعنى و قوانين دولته علاوه سنى اراده ايلدم.
١١ رمضان سنه ١٣٣٠

محمد رشاد

عدليه ناظرى
ابراهيم
صدراعظم
محمد سعيد

سفر برلکدن استئنا ایدیلان مأمورلر حقنده قانون

برنجی ماده — مکلفیت عسکریه قانوننامه سنک طقسان ایکنجی ماده سنه فقره آتیه تذیل ایدلشدیر :
« آتیده کی تعداد اولئانلر دخی افراد احتیاطیه و مستحفظه دن اولدقلری حالده مأموریتلرینک دوامی مدتجه یالکز سفر برلک ایچون وقوع بوله حق اجتماعلرده سلاح آلتیه آلتقدن مستئنادلر :

محکمه تمیز رئیس و اعضاسی و مدعی عمومی.

استیناف محکمه سی رئیس و اعضاسی و مدعی عمومی.

بدایت محکمه سی رئیس و اعضاسی و مدعی عمومی.

شورای دولت دواثری رؤسا و اعضا و باش معاونلری.

مجلس تدقیقات شرعیه رئیس و اعضاسی.

فتوا امینی معاونلری و رئیس المسودین.

مجلس مصالح طلبه رئیس و اعضاسی.

آمدجی و بکلکچی و معاونلری و قلملارنده بردکاتب.

مدیر عمومیلر و خدیویت مصریه قیو کتخداسی و دیوان ترکی رئیس و مخبرات مدیری.

حقوق مشاورلری مکتوبجیلر و شعبه مدیرلری.

دیوان محاسبات رئیس و اعضاسی و مدعی عمومی.

شورای اوقاف رئیس و اعضاسی.

صلح حاکملری و حاکم منفردلر.

مستشار و مدیر معاونلری و یا میز لر.

معاملات حسابیه و لوازم ایچون برر مأمور.

شفره مأمورلری (اوچی تجاوز ایتمک اوزره).

وزنه دار و معتمدلر.

ولایات مستقل و لوالر معارف مدیر و یا مفتشلی و اوقاف مدیر و یا مأمورلری و مهندسلری.

ولایات و مستقل لوالر باش مهندسلری و طرق و معابر مفتشلی.

بغداد و قونیه امور میاهیه مهندسلری.

پوسته و تلغراف موزع و مأمورلری و فن سر مهندس و معاونلری و انبار مأمورلری و نقلیه و سوق مأمورلری.

دواثر بلدییه مدیرانی و تنظیفات و تطهیرات و تو مو بیللری و شو فورلری.

تنویر و صو و تراموای قومانیه لری مستخدمیندن جهت عسکریه جه تفریق اولنه حق مقدار .
ایکنجی ماده — اشبو قانون تاریخ نشردن اعتباراً مرعی و اجرای احکامنه هیئت وکلا مأموردر ،
مجلس عمومینک اجتماعنده قانونیتی تکلیف اولنق اوزره اشبولایحه قانونیه نک موقتاً موقع اجرایه وضعی
و قوانین دولته علاوه سنی اراده ایدرم .
١٤ رمضان سنه ١٣٣٢

محمد رشاد

داخلیه ناظرلی	حریبه ناظرلی	شیخ الاسلام و اوقاف و ایون ناظرلی	صدر اعظم و خارجیه ناظرلی
طلعت	أنور	خیری	محمد سعید
تجارت و زراعت ناظرلی	نافعه ناظرلی	مالیه ناظرلی	بحریه ناظرلی
سلیمان البستانی	محمود	جاوید	احمد جمال
پوسته و تلغراف	تلفون ناظرلی	معارف ناظرلی	احمد شکری
اوسقان			

حکام شرعک اوصاف و امتیازاتی حقنده قانون

مجلس اعیانه قرارنامه سی

حکام شرع و مأمورین شرعیه حقنده مقدما حکومتجه تنظیم و موقتاً موقع تطبیقه وضع اولنوب مجلس
مبعوثانجه وقتک عدم مساعدده سندن طولانی تمامنک مذاکره سی متعسر بولنان لایحه قانونیه نک روحنی
تشکیل ایدن ایکی ماده سی بالا فراز و تعدیلاً بالقبول مجلس مذکور ریاستنک ٨ تموز ١٣٣٠ تاریخ و ایکی
یوزایکی نومرولی تذکره سیله ارسال ایدلمکله مجلس اعیان عدلیه انجمننک اولیابده کی مضبطه سی ایله برلکده
هیئت عمومی اعیانده قرائت و ایجابی مذاکره اولنه رق مجلس مبعوثانده تعدیل اولندینی وجهله قبول ایدلمش
و قانون اساسینک اوتوزنجی ماده سی موجبجه معامله لازمه سی بالایفا علی الاصول جریده رسمیه ده اعلان
ایدلک اوزره قوه اجرائیه تودیع قلمشدر .
٢ رمضان ١٣٣٢ ١٢ تموز ١٣٣٠

قانونه

ماده : ١ بر کیمسه قاضی اولای بیلیمک ایچون اولای یکرمی بش یاشنی اکال ایتش اولق ، ثانیاً
معذرت قانونیه مستئنا اولق اوزره جرائم عادیه دن طولانی برهفته دن زیاده حبس جزاسیله محکوم اولمامش
بولنق ، ثالثاً مجله نک بیک یدییوز طقسان ایکی و بیک یدییوز طقسان دردنجی ماده لرنده محرر اوصاف
قضایی حائز اولق ، رابعاً مدرسه قضاتدن مأذون بولنق شرطدر . فقط مدرسه مذکورده دن مأذون اولمیوب
مسلك قضاده خدمتی مسبوق اولان ذواتک قاضیلک تعیینلری هر حالده مدرسه قضاتده اوقونان درسلردن
بالامتحان اثبات اهلیت ایتلرینه متوقفدر .

ماده : ٢ مدرسه قضاتدن نشئت وياخود برنجي ماده موجبنجه بالامتتحان اثبات اهليتله اون سنه مدت بالفعل خدمت قضاده بولنه رق فتوى امينك رياستى تحتنده تشكلى ايدى جك انجمن مخصوصنجه رويت ولياقتلى ووثوق واعتماد عاميه مظهر يتلى وسائط مؤتمنه ايله لى التحقيق ثابت اولان احكام شرعه انجمن مشار اليك بو بابده كى قرارينى محتوى مضبطه لى مقام على مشيختك تصوينه قتران ايتدكن صكره قانون اساسينك سكران برنجي ماده سنده محرر بروات شريفه اعطا اولنور وصاحب برات اولان قاضيلر ماده مذكوره ده معين حقوق و امتيازاته نائل اولور.

[قوة اجرائيه جه ١٩ جمادى الاولى ١٣٣٢ و ١٣٣٩ بيسان تاريخنده تنظيم وموقتاً موقع تطبيقه وضع ايديلان اشبو لايحه قانونيه ٨ تموز ١٣٣٠ تاريخنده مجلس عموميه تعديل قبول اولمشدر.]

مجلس اعيان ومبعوثانجه قبول اولنان اشبو لايحه نك قانونيتى وقوانين دولته علاوه سنى اراده ايدلم.

٧ رمضان ١٣٣٢ ١٧ تموز ١٣٣٢

محمد رشاد

شيخ الاسلام
خيرى
صدراعظم
محمد سعيد

انشاعات الكتريقه واسطه سيله تلسز تلغراف وتلسز تلفون حقنده قانون موقت

ماده : ١ موجات الكتريقه ايله تلسز تلغراف وتلسز تلفون تأسيس وايشلتمه سنده حكومت مأذوندر .
ماده : ٢ عثمانلى ملكى وياسفائى داخلنده هيچ بر كيمسه اول باول حكومتدن استحصال رخصت ايتمدن مخبراته خدمت ويا ايراث مضرت ايدى بيله جك قابليتده موجات الكتريقه آلاى تأسيس ويا استعمال ايدلسنه وياخود ايتديرلسنه مساعده اولماز.

اشبو ماده احكامنه مغاير حركاته اجتناسار ايدى جك اولانلر اون ليرادن يوز ليرايه قدر جزاى نقدى ايله برابر سكر كوندن بر سنه يه قدر حبس وياخود بو ايكي جزادن برياه مجازات و جهازلرله بونلرك ايشلتمه سنده خادم بالمله مواد واشيا حكومت طرفندن مصادره اولنور .

ماده : ٣ تلسز تلغراف وتلسز تلفونه عائد تعرفه لى ايله اداره وانضباط نظاماتى حكومت تعيين وترتيب ايدى جك وبو بابده بين الملل منعقد تلسز تلغراف مقاوله ونظامنامه سنك اشبو قانونه مخالف اوليان اقسامى تلسز تلغراف مؤسسائنده مابه النطق اوله جقدر .

ماده : ٤ ايكنجى ماده ده مذكور رخصتنامه لى علاقه دار ديكر نظارك انضمام موافقتى ايله پوسته وتلغراف وتلفون ناظرى طرفندن اعطا اولنور ورخصتنامه لى مدت رخصت ، جهازلرك شرائط تأسيس واستعمالى ، عند الاقتضا استيفا اولنه جق اجرتلى ومحتتملاً خزينه يه تأديه سى مقتضى عائداتى ومواد جزائيه ايله آسائش عموميه وامنيت ومدافعه مملكته متعلق ايجاب ايدن تقيداتى جامع اوله جقدر .

ماده : ٥ سفائن اجنيه داخلنده سفينه عثمانلى قره صولرنده بولندينى مدتجه اوچنجى ماده ده مصرح احكام وقواعد توفيق حركت ايدلمكجه هيچ بر كيمسه موجات الكتريقه آلاى حال فعاليتده بولنديرمز .
حكومت هر زمان آلاك استعمالنى منع ويا تقيدات ونظارت ومراقبه خصوصنده تنسيب ايدى جك تدابيرى امر واتخاذ ايدى بيلور . اشبو ماده نك احكامنه مخالف حركته اجتناسار ايدى جك اولانلر بش ليرادن يكرمى بش ليرايه قدر جزاى نقدى يه دوچار اوله جقدر . حكومت سفينه نك عثمانلى صولرنده بولندينى مدتجه آلاك وبونلرك ايشلتمه سنده خادم كافه موادك حجز وضبطى امر وحكم ايدى جقدر . شرائط مقرر يه مخالف ديكر بر حركته بولنور ايسه جزاى نقدينك مقدارى ضعفه بارغ ايدى بيله جك كى آلات ايله سائر مواد حكومت طرفندن مصادره اولنه جقدر .

ماده : ٦ منافع عموميه ويا مدافعه مملكته متعلق اسبابدن ناشى حكومت تماماً ويا قسماً تعطيل مخبره ايدلسنه لزوم كوردىكى حاليه صاحب رخصت بو خصوصده واقع اوله جق ايلك اخطار ومراجعه اتقياد واطاعته مجبوردر .

عين احواله حكومت آلاى استعمال اولنه يه جق بر حاله افراغ ويا حجز وياخودده آلاك استعمالى خصوصنده صاحب رخصتك مستخدمينى يرينه كندى مأمورلرئى اقامه ايدى بيله جقدر . اشبو تدابير حكومتك لزوم كوره جكى مدتجه دوام ايدى جك وبو بابده حكومتدن تضمينات طلبنه هيچ بر صورتله محل ويرميه جقدر .
ماده : ٧ تللى تلغراف وتلفونه متعلق احكام جزائيه كرك حكومه عائد وكرك رخصت رسميه يى حائر ومخبرات عموميه يه خادم تلسز تلغراف وتلسز تلفون خصوصاتنده تطبيق اولنه جقدر .

ماده : ٨ حكومت مخالف نظام حركات وافعالى تحقيق ضمننده ضابطه عدليه مأمورلرى مثلاًو محلف تلغراف مأمورلرئى تعيين ايدى بيلير .

اشبو مأمورينك تنظيم ايله جكلرى ضبط ورقه لرى مندرجاتى عكسى ثابت اولنجه يه دكين معتبر عد اولنه جقدر .

ماده : ٩ موافق نظام بر صورتده مساعده استحصال ويا استعمال اوليان تلسز تلغراف وتلسز تلفون آلاك وجودينه دائر دلائل وامارات كافيه دسترس اولندينى حاليه مأمورين حكومت املاك خصوصيه داخلنده بيله حقيقتك تظاهرينه خدمت ايدى جك هر درلوتحرياتده بولمق اوزره آلاك موجود بولندينى ظن اولنان محله دخول ايله جكلردر . تدقيقات ايچون بر ويا بر قاچ اهل خبره ويا ماده سالفه احكامنه توفيقاً تحليف اولنش مأمور آلنه بيله جك وبالذات ويا ضابطه عدليه مأمورلرى واسطه سيله مساعده نظاميه سنى استعمال ويا تأسيس اولنان آلات ايله اشبو قانونك ايكنجى وبشنجى ماده لرنده مبحوث مصادره يه تابع اوله جق كافه موادى موقتاً استعمالدن اسقاط ، حجز ويا ضبط ايدى بيله جقدر .

ماده : ١٠ اشبو قانونك نشرندن اول بلا رخصت تأسيس ايدلمش اولان تلسز تلغراف وتلفون

استاسيونلرى اصحابى بوقانون موجبنجه اون كونده استحصال رخصت ايلكه مجبور و او استاسيونلر حقدده اشبو قانون احكامى مرعيدر .

مال سفيرى و حربى مخصوص اعظم

ماده : ١١ سفيرك و حال حربده عثمانلى قره صولرنده بولنان ويا بو صولره دخول ايدجك اولان تلسز تلغراف استاسيونتى حامل اجنبى سفائن حربيه و تجاريه آنته نلرني بتمامها اينديرمكه مجبوردرلر . عثمانلى قره صولريله ليمانلرنده آنته نى تماميله اينديرميان سفينه نك باش قوماندان و قودانلرى جاسوس عد و تلسز تلغراف اجهزهمى مصادره اولنور .

ماده : ١٢ آنته نى اينديرمش اولان سفائن مذكوره بولندقلرى ويا كيره جكلرى ليمان دائره سنه ويا حكومت محليه كنديلرنده تلسز تلغراف پوسته سى بولنديغه دائر معلومات اعطاسنه مجبوردرلر . حكومت بو استاسيونلرى تحت تمهيد و نظارت آلمغه صلاحيتداردر . فقره سالفه وجه ايله تلسز تلغراف استاسيونى حامل اولديغى خبردار ايتيان ويا خود عثمانلى قره صولرنده تلسز تلغرافله مخبريه جرأت ايدن سفينه نك باش قوماندان ويا باش قبودانى كذلك جاسوس عد اولنهرق سفينه سى ضبط اولنور .

ماده : ١٣ عثمانلى قره صولرنده حال حرب سبيله ميعادنندن فضله دوران سفائن مذكوره نك حامل اولدقلرى تلسز تلغراف استاسيونلرينه حكومتجه وضع يد اولنهرق سفينه سابع مركز اولق اوزره تلسز تلغراف اجهزهمى قسماً ويا تماماً كيدن فك ايديله رك حكومتجه لزومى وجهله استعمال اولنور .

ماده : ١٤ ممالك عثمانيه داخلنده بولنان خصوصى و عمومى وكافه مكاتب و مؤسسات علميه و اجنيه سفيرك اعلانيله برابر تدريسات و تطبيقات فيه ايجون مستعمل و تلسز تلغرافه متعلق بالجله آلات وادوات اجهزه سنك موجوديتنى حكومت محليه اخباره مجبوردرلر . بو آلات وادوات حكومتجه تحت تمهيد آلتو و حكومت لزوم كوردىكى تقديرده تكليف حربيه قانونى موجبنجه حكومتجه آلتو رق استعمال اولنور . بولنرك صوت استعمالى و خلافتده حركت ايدنلر حقدده مواد آفته نك احكامى تطبيق اولنور .

ماده : ١٥ اشبو قانون نشرينك ايرتسى كونندن اعتباراً مجبورى الاتباعدر و اجراسنه حربيه عدليه و بحريه و پوسته و تلغراف و تلفون ناظرلرى مأمورددرلر .

اشبولايحه قانونيه نك مجلس عمومينك كشادننده قانونيتى تكليف اولنق اوزره موقتاً موقع اجرايه وضعى و قوانين دولته علاوه سنى اراده ايدرم .

٢٧ رمضان ١٣٣٢ ٦ آغستوس ١٣٣

مدرشاه

پوسته و تلغراف و تلفون ناظرى	بحريه ناظرى	عدليه ناظرى	حربيه ناظرى	صدراعظم
اوسقان	احمد جمال	ابراهيم	انور	محمد سعيد

محكمه تميز مفراتى

محكمه تميز مفراتى

محكمه تميز مفراتى دائره سنده صادر اولان ٨ ثانويه تالى ٣٢٨ تاريخده قرار و بريره اعلامى صورتىدر :

" سندده بيان ايديلان و طريق اولق اوزره كوستريلان حدودك مدعينك ادعا ايتكده اولديغى محله بولنديغى اثبات ايتك خصوصى مدعى به عائددر "

معموره العزيزك چارشو محله سنده ساكن كشيش اوغلى كيورك ايله يوقارى مزرحه قريه سنده مقيان بندو اوغلى خاچو و مخدومى اوخانس بيننده متكون دعوايه دائر معموره العزيز استيناف محكمه سندن ٢١ نوز ٣٢٨ تاريخى و برعددى ايله ويريلوب مزبور كيورك طرفندن تميزاً تدقيق استدا قلنان اعلام طرفينك اعتراض وجواب لايحه ليله برابر بالمطالعہ تدقيقات تميزيه اجراسنه ابتدار اولندى .

اعلام مذكور مندرجاتنه كوره مزبور كيورك معموره العزيز بدایت محكمه سنده باعرضحال مراجعتله اغوات مزرحه سنده كائن معلوم الحدود متصرف اولديغى بر قطعه ترلايه مرقومان خاچو و اوخانس طرفلردن وقوع بولان مداخله نك منعى حقدده استحصال ايدىكى اعلامك عندالاستيناف بعض اسباب قانونيه ببناء فسخندن صكره دوام اولنان محاكمه لرنده مدعى كيورك اساساً برقطعه اولوب احداث ايديلان طريق سبيله ايكيره آيرلمش اولان مذكور ترلا جندن برادرى خاچاطور و همشيرهمى طاقوهى ايله كندوسنه بالانتقال باطوبو تحت تصرفلرنده بولنديغى حالده مدعى عليهما فضولى مداخله ايتكده اولديغندن بحثله منعى و مدعى عليهما دخى مذكور طريقك حادث اولمايوب قديم اولديغى و اوست طرفنده كى پارچه يه اوتوزسنه دنبرو جدلى بغدو و آنك وفاتيله كنديلرى تصرف ايتكده اولدقلرى جهتله مدعينك رد ادعاسى مدافعه بيان و انبا ايللى اوزرينه ذى اليدلك بالينه اثبات ايتديرلكدن صكره اراضى مأمورى حضوريله جريان ايدن محاكمه وكشف و تدقيقات نتيجه سنده مذكور طريقك حادث اولمايوب قديم اولديغى اجراى كشفى حاوى نائب طرفندن معطى راپور مندرجاتيله تحقق ايتدىكى كى مذكور طريقك اوست طرفنده كى اراضيه مدعى عليهما نك مرور زمان حدينى متجاوز مدتدبرو متصرف اولدقلرى زيرطاپوسندى و استماع اولنوب سرأ و علناً تركيزى اجرا قلنان شاهدلرك شهادتيله ثابت اولمسنه ببناء مدعى كيوركك بوبابده كى ادعاسنك ردينه حكم وقرار ويرلدىكى اكلا شلمشدر .

مستدعى طرفندن ويريلان لايحه ده : كندوسى مذكور طريقك حادث و مدعى عليهما قديم اولديغى بيان ايتدكلرى جهتله كندو بينه سنك ترجيحى لازم كلور ايكن بالعكس مدعى عليهما نك بينه سنك استماع

قلمسی و مذکور ترلاده مدعی ایهامانک اور تا قی صورتیه زراعت ایتمکده اولدق لری اثباته حاضر اولدینی یولنده در میان ایلدیکی ادعاسنک دخی نظر دقته آنلامسی یولسز و مغایر قانون اولدیغندن واقعات سائردهن بخله اعلامک تقضی و لایحه جوابیه ده دخی غیر وارد اولان اعتراضات مذکوردهنک ردیه موافق اصول و قانون اولان اعلامک تصدیق طلب واستدا اولمشدر .

ایجابی لدی المذاکره کیفیت هر نه قدر بر منوال محرر حکم و اعلامه ربط اولنش ایسه ده اعلام میز بهک مندرجاتدن منفهم اولدینی اوزره اراضینک بر معین قطعه سنده طرفین آره سنده اختلاف واقع اولمش و سبب اختلاف ایسه بر طرفی تشکیل ایدن یولک نروده بولندیغنی تعیین خصوصنه معطوف بولنش ایدوکنه و شو حاله سندده بیان ایدیلان و طریق اولق اوزره کوسریلان حدودک مدعینک ادعا ایتمکده اولدینی محله بولندیغنی اثبات ایتک خصوصی مدعی به عائد اولدیغندن محکمه جه بوجهت نظر دقته آلهرق اولوجهله محاکمه اجرا وتین ایده جک حاله کوره حکم ایدلک اقتضایدر ایکن بوندن ذهول ایه بوجه مشروح قرار ویرلسی یولسز و مغایر قانون اولدیغندن اصول محاکمه حقوقیه قانونسک اکیوز اوتوز ایکنجی ماده سی موجبجه اعلام مذکورک تقضیه اکیوز قرق دردنجی ماده سی حکمنه توفیقاً کیفیتک بالرؤیه اعلامه ربطی ضمننده محکمه مذکوریه اعاده سنه واشبو دعوادن طولانی اختیار اولنوب زرده مفرداتی مرقم مصارفک ایلروده حقسز چقه جق طرفه عائد اولسنه ۸ کانون ثانی ۳۲۸ تاریخنده متفقاً قرار ویرلدی .

محکمہ تمیز حقوق دائرہ مندرہ صادر اولوب ۲۰ مارٹ سنہ ۳۳۰ تاریخندہ فراری و بربرہ اعلام صورتیبر :

« بر دعوائیه حکم اولنه بیلک ایچون او دعوانک اسباب ثبوتیه قانونیه دن بریله ثابت اولسی و حکمک اسباب موجبیه استناد ایتدیرلسی لزومنه دائر »

صندوقچی زاده احمد ایلہ قیصریه نک حواءد حامی مستأجری عباچی اوغلی محمد آغایینده متحدث دعوائیه دائر قیصری بدایت محکمه سندن ۵ تشرین اول سنہ ۳۲۹ تاریخی ایلہ ویریلوب مرقوم احمد طرفندن تمیزاً تدقیق استدعا قلنان اعلام یالکزر مستدعی تمیزک اعتراض لایحه سیله بالمطالعه تدقیقات تمیزیه اجراسنه ابتدار اولندی .

اعلام مذکورک مندرجاتنه نظراً مرقوم محمد آغانک محکمه مذکوریه باعرضحال مراجعتله مزبور احمد ذمتنده آلاجنی اولان یوز طقسان غروش تقد و قرق یدی غروش دقیق بدلک تحصیل حقنده استحصال ایلدیکی اعلام غیابی علیهنه مرقوم احمد طرفندن اعتراض علی الحکم اولنش ایسه ده اولبابده کی اعتراض استدعاسنک مدت قانونیه سی طرفنده اعطا اولندیغندن ناشی استدعای مذکورک ردینه حکم و قرار ویرلدیکی اکلاشمشدر .

مستدعی تمیز طرفندن اعطا قلنان لایحه اعتراضیه ده محکمه جه یالکزر اعتراض استدعاسنک ردیه اکتفا اولنق لازمکلور ایکن اعلام غیابی حکمنی دخی تصدیق ایتسی یولسز و مغایر قانون اولدیغندن بخله اعلام مذکورک تقضی طلب واستدا اولمشدر .

ایجابی مذاکره اولندقدہ کیفیت هر نه قدر بوجه محرر حکم و قراره ربط اولنش ایسه ده اصول محاکمه نک آلتش سکزنجی ماده سیله بخله نک بیک سکز یوزاون سکزنجی و بیک سکزیوز یکریمی یدنجی ماده لرندہ بیان اولدینی اوزره بر دعوائیه حکم اولنه بیلک ایچون او دعوانک اسباب ثبوتیه قانونیه دن بریله ثابت اولسی و حکمک اسباب موجبیه استناد ایتدیرلسی لابد اولوب مدعی علیک محکمه یه عدم اجابتی بولزوم قانونی تغییر ایدمه جکنه و مدعی بالجله اسباب ثبوتیه دن اظهار عجز ایتدکجه ذیل قانونک اون سکزنجی ماده سی موجبجه غائبک یمیندن نکولنه تعلیقاً حکم اعطا ایدلک غیر جائز بولنش ایکن محکمه جه بوجهت تأمل اولنقسزین بوجه مشروح قرار ویرلسی یولسز و مغایر قانون اولدیغنه بناءً اصول محاکمه حقوقیه قانونک اکیوز قرق برنجی ماده سی موجبجه اعلام مذکورک تقضیه قانون مزبورک اکیوز قرق دردنجی ماده سی حکمنه توفیقاً کیفیتک تکرار بالرؤیه اعلامه ربطی ضمننده محکمه مذکوریه اعاده سنه و مدعابه اکیوز الی غروشدن دون بولنق حسیله اشبو اعلامک بالجله رسوم تمیزیه دن استثناسیله ماعدا زرده مفرداتی مرقم پول بهاسیله خدمه اجرتی اولان یکریمی ایکی بچق غروش مصارف تمیزیه نک دخی ایلروده حقسز چقه جق طرفه عائد اولسنه ۲۰ مارٹ سنہ ۳۳۰ تاریخنده متفقاً قرار ویرلدی .

محکمہ تمیز حقوق دائرہ مندرہ صادر اولوب ۱۰ یولای سنہ ۳۳۰ تاریخندہ فراری و بربرہ اعلام صورتیبر :

« هر ایکی طرفک تصرف دعاسنه قارشو دفتر خاقانی اداره سندن اراضینک تداول ایدن قیدی استعمال ایدیلرک اکا کوره ایفای معامله اولنق اقتضا ایدر »

ارزنجان سنجانی داخلنده رقاہیه قضاسنک ملکشریف قریه سنده مقیمون صفر اوغلی سلیمان کریمه سی خدیجه خاتون ایلہ متوفی حسین اوغللری حسن و حسین بیننده متکون دعوائیه دائر قضای مذکور بدایت محکمه سندن ۴ کانون اول سنہ ۳۲۹ تاریخلی و اوتوز ایکی عدلیه ویریلوب مزبور خدیجه خاتون طرفندن تمیزاً تدقیق استدعا قلنان اعلام طرفینک اعتراض و جواب لایحه لر یله برار بالمطالعه تدقیقات تمیزیه اجراسنه ابتداو قلندی .

اعلام مذکور مندرجاتنه نظراً مرقومان حسن و حسین و کیلی محمد افندی محکمه مذکوریه باعرضحال مراجعتله قریه مذکورده واقع معلوم الحدود اوچ قطعه ده اوچ دونم و اوچیک یوز غروش قیمتی ترلانک بشده بر حصه سنی کرک پدرلری و کرکسه کندیلری یکریمی یش سنه یی متجاوز زماندنبرو تصرف ایتدکلی

حاله حصه مذکوره نه

منعنی طلب وود. دایره خدیجه خانوز. ان لا مداخله اولدیغندن بختله واقعته نك انتقال ۱- وی و مدعی علیها دخی اساساً مذکور ترلار برادرینك اولوب بلا ولد وفاتیه کندوسنه سیدیکنی و طاپولرینك مدعیلرک برادریه اولان دعوانك اوراقی میانده بولندیغندن بولندیریله رق تدقیق اولمسنی مدافعه درمیان ایلدیکی حالد بالآخره اولنان دعوت مدعی علیها مزبورده نك اجابت ایلماسی اوزرینه غیاباً اجرا قلنان محاکمه و تدقیقات نتیجه سنده مدعی علیها دفعی اثبات ایده مامش و مدعابه ترلارک اوتوز سنه دنبری بلا نزاع مدعیلر طرفندن زراعت اولندیغنی شهود مستمه معدله نك شهادتیه ثابت اولمش اولدیغندن بجه نك بیک التیوز التمش ایکنجی ماده سنك فقره ثانیه سی و اراضی قانوننك یکرمنجی ماده سی موجبجه مدعا به معلوم الحدود اوچ قطعه ترلانك بش حصه بر حصه سنده مدعی علیها نك وقوعبولان مداخله سنك منعه و مدعی علیها نك طاپولرینك ابطالیه مدعیلرنامه طاپویه ربطه حکم ویرلیدیکی اکلشلمشدر. مستدعیه تمیز طرفندن اعطا قلنان لایحه تمیزیده مدعیلرک محل مذکوره تصرف ایتدکالینه دائر بر سند اراز ایده مدکالری کبی کندی طرفندن اراز اولنان سندلرکده اعلامه درج اولمقسزین خصملرینك اوتوز سنه دنبری تصرفلرندن بحث مداخله سنك مغیله طاپولرینك ابطاله قرار ویرلمسی یولسز و مغایر قانون اولدیغندن بختله اعلامك نقصی و لایحه جوابیه دهه غیر وارد اولان اعتراض مذکورک ردیه موافق اصول و قانون بولنان اعلام میز بهك تصدیقی طلب و استدعا ایدلمشدر.

ایجابی مذاکره اولندقدن کیفیت هر نه قدر بوجه بالا بالرؤیه تحت حکمه التمش ایسه ده مدعینك یدنده صورت تصرفنی ناطق سند خاقانی اولوب اولمادیغنی سؤال اولمق و دیگر طرفك دخی سندی جلب و تدقیق ایدلمك ولدی الايجاب بوبابده دفتر خاقانی اداره سندن مذکور اراضینك تداول ایدی قیدی استعمال ایدیلرک تبیین ایده جك حاله کوره حکم ویرلمك لازم کلورایکن محکمه جه بوداژدهه ایفای معامله ایدلمکسزین بوجه مشروح قرار ویرلمسی یولسز و مخالف اصول و قانون اولدیغندن اصول محاکمه حقوقیه قانوننك ایکوزاونوز ایکنجی ماده سی موجبجه اعلام مذکورک تقضیه قانون مزبوك ایکوز قرق دردنجی ماده سنك فقره اولاسی حکمنه توفیقاً کیفیتك اولصورته تکرار بالرؤیه اعلامه ربطی ضمنده محکمه مذکوره به اعاده سنه وزیرده مفردات و معطیسی محرر مصارف تمیزی نه ده ایلروده حقسز چیه جق طرفه طاند اولمسنه ۳۰ نیشان ۳۳۰ تاریخده متفقاً قرار ویرلیدی.

حکمه تمیز حقوق دارنده سنده صادر اولوب ۱۴ خرباره سنه ۳۳۰ تاریخده قرار ویرلده و ۸۸۳ نومردی اعلام صورته بر:

« منع مداخله »

بوغازلان قصبه سنده مقیمون صاغیرالیا اوغلی ذاکار و ذاک اوغلی ایرم ایله بولدیقان آرتیناغا میانه لرنده

متکون دعوایه دار بوغازلیان بدایت محکمه سندن ۷ مارت سنه ۳۳۰ تاریخی و یتیش بر عددیه ویریلوب مرقومان ذاکار و ایرم طرفلرندن تمیزاً تدقیق استدعا قلنان اعلام یالکزمیزان مرقومانك لایحه اعتراضیه لرله بالمطالعہ تدقیقات تمیزیه اجراسنه ابتدار قلندی.

اعلام مذکور خلاصه مندرجاتنه نظراً مرقوم آرتیناغا محکمه مذکوره به باعریضحال مراجعتله اساساً پدرینك احیا کرده سی اولوب وقوع وفاتیه کندوسنه و برادرلرینه انتقال ایدرک قرق سنه دنبری بلا نزاع عهده تصرفده بولنان موقع وحدودی معلوم و درت یوز غروش قیمتنده برقطعه ترلایه مرقومان ذاکار و ایرم طرفلرندن فضولی واقع اولان مداخله نك منعنی طلب و دعوی و مدعی علیهمان ایرم مدعی به ترلایه پدرندن انتقالاً باطاپو متصرف اولدیغنی و طاپوده نامه مقید ایدوکنی و دیگرکی ذاکار دخی منازع فیه ترلایه پدرندن انتقالاً باطاپو متصرف اولدیغندن زراعت ایتدکه ایدوکنی و مدعینك موقع مذکوره بیان ایلدیکی ترلایه مداخله سی اولیوب حتی مدعینك مذکور ترلای ایجاره دخی ویرمش اولدیغنی وشو حالد مدعینك کندیلرینه بی وجه واقع اولان معارضه لرینك منعی لزومی مدافعه بیان و انبا ایللری اوزرینه محکمه جه ذی الیدلک بالینه ثابت اولدقدن صکره اراضی مأموری حضوریه اجرا قلنان محاکمه و تدقیقات نتیجه سنده منازع فیه ترلایکرمی بش سنه دنبرو مدعی مرقومك بلا نزاع تحت تصرفده بولندیغنی شهود معدله نك شهادتیه ثابت وشو حالد مرور زمان متحقق اولمسنه و کرچه مدعی علیهمان مرقوم ذاکار محل منازع فیهك پدری متوفی الیا نامه مقید اولدیغنی مبین ویرکو قیدی اراز و اراثه ایتدکه ایسه ده مرور زمانك نبوت و تحقنه مبنی قید مذکورک تدقیقنه لزوم قانونی کوریه مدیکنه و مدعی علیهما مرقومانك دفع مسرودلرینی قیود خاقانیه استناد ایتدیره ماملرینه بناء ردیه بجه نك و اراضی قانوننك مواد مخصوصه سنه توفیقاً محل مدعی به مدعی علیهما مرقومانك واقع اولان مداخله لرینك منعیله مدعی به ترلانك مدعی مرقوم آرتیناغا عهده سنده ابقاسنه حکم و قرار ویرلیدیکی اکلشلمشدر.

مستدعیان مرقومان طرفندن ویریلان لایحه تمیزیده محل منازع فیه مدعینك پدر و مورثی طرفندن بالاجیا عهده تصرفه کچورمش اولدیغنی مدعی مرقوم افاده ایلدیکی حالد کیفیت احیانك اذن مأوده مستند اولوب اولمادیغنی مستند اولمادیغنی تقدیرده طاپوی مثلیله تفوض ایدیلوب ایدلیدیکنك محکمه جه تحقیق اولنماسی و مذکور ترلانك کندوسیه برابر برادرلرینه انتقال ایلدیکنی مدعی مرقوم افاده ایلدیکی حالد مستقلاً تصرفك نه جهته مستند ایدوکنك تدقیق اولنماسی و مرور زمانه دائر مدعی طرفندن برکونه ادعا سبق ایتماشیکن محکمه جه رأساً مرور زمانه بناء حکم ایدلمسی یولسز و مخالف قانون اولدیغندن و افادات سائردهن بختله اعلامك نقصی طلب و استدعا اولنمشدر.

ایجابی مذاکره اولندقدن اعلام تمیزیه مندرجاتندن مستبان اولدیغنی اوزره مدعی علیهمان ایرم مدعی به پدرندن انتقالاً باسند خاقانی متصرف اولدیغنی و طاپو قیدی ده نامه محرر ایدوکنی بیان ایلدیکی حالد

مرقومك برادری بولنان دیگر مدعی علیه ذاقار مدعینك بیان ایلدیکی ترلایه عدم مداخله افاده سنده بولنش ومدعی آرتین ایله مدعی علیه ایرمدن هر بررلری پدرلرندن انتقال صورتیه تصرفلری در میان ایتکده اولمیرینه کوره بوبابده کی قید رسمی حقنده دخی طاپو اداره سندن بالاستعلام انه جق جوابه کوره اجرای تدقیقات اولنسی مقتضی اولدینی حالده بونك دخی نظر دفته آلمامسی مخالف قانون اولدیغندن اصول محاکمه حقوقیه قانونك ایکوز اوتوز ایکی وایکوز قرق برنجی ماده لری موجبجه اعلام مذکورك تقضیه قانون مزبورك ایکوز قرق دردنجی ماده سی حکمنه توفیقاً کیفیتك وجه مشروح دائره سنده تکرار بالرؤیه اعلامه ربطی ضمننده محکمه مذکوره یه اعاده سنه وزیرده مفردات ومعطیسی محرر مصارف تمیزیه نك ایلروده حقسنر حقیقه جق طرفه عائد اولسنه ۱۴ حزیران سنه ۳۳۰ تاریخنده متفقاً قرار ویرلدی .

محکمه تمیز حقوق دائر سنده صادر اولوب ۱۵ صبرانه سنه ۳۳۰ تاریخنده قرار ویریلده اعلام صورته ییر :

«مدعی علیه تعیین اولنان بین ایچون محکمه یه کلسی وکیلنه اخطار اولنسی اوزرینه»

«کلامسی بئندن نکول عد اولنه ماز»

ککبوزه قضاسنه تابع ایدینلی قریه سندن اسماعیل افندی ایله قریه مذکوره دن شریف اغازاده مصطفی افندی بیننده متحدث دعوا یه دائر قضاء مذکور بدایت محکمه سندن ۲ شباط سنه ۳۲۹ تاریخنی و یوز ایکی عددیه ویریلوب مزبور اسماعیل افندی طرفندن تمیزاً تدقیقی استدعا قلنان اعلام طرفینك اعتراض وجواب لایحه لرله بالمطالعہ تدقیقات تمیزیه اجراسنه ابتدار قلندی .

اعلام مذکورك خلاصه مندرجاتنه نظراً مزبور مصطفی افندی محکمه مذکوره یه باعرضحال مراجعتله مومی ایله اسماعیل افدینك قریه مذکوره ده کائن معلوم الحدود بر باب خانه ده کی حصه معینه سنی کندوسندن اوتوز یش عدد لیرای عثمانی بدل مدفوع مقابلنده اشترا ایلش ایسه ده حصه مذکوره نك مزبور اسماعیل افندی پدری حسنی اغا عهده سنده مقید اولدیغنی ایشدیکندن بختله یامبلغ مذکورك مزبور اسماعیل افندی دن تحصیلی و یا خود پدرینی ارضا ایدرك حصه مذکوره نك تقریر رسمیسنك اعطاسنه مجبور طوتلنسی طلب ودعوی ومدعی علیه اسماعیل افندی ده عقد بیع پدری حسنی اغایه اضافتله اجرا اولنش واخذایتدیکی مبلغ مذکورده مال صاحبی اولق اعتباریه پدرینه ویرمش اولدیغنی و بناء علیه بوبابده کی خصومت کندوسنه متوجه اوله میه جغنی مدافعه بیان و انبا ایللری اوزرینه اجرا قلنان محاکمه و تدقیقات نتیجه سنده مدعی مزبور عقد واقعی علیه کندی نامه اجرا ایلدیکنه دائر اقامه یینه دن اظهار عجز ایدرك طالب تحلیف اولدیغنی در میان ایتسی اوزرینه مدعی علیه وکیلی لاجل التحلیف موکلنی کتورمك اوزره ایکی دفعه امهال اولنیدینی حالده موکل مومی الیه کلدیکی وکیلی طرفندن افاده اولنش مدعی علیه بوجهله عدم اجابتی

بئندن نکول دیمك بولنش اولدیغندن محله نك بیک سکریوز یکرمنجی ماده سی موجبجه مبلغ مدعی یه اوتوز یش عدد عثمانی لیراسنك مدعی علیه اسماعیل افندی دن بالتحصیل مدعی یه اعطاسنه حکم وقرار ویرلیدی کلا شلمشدر .

مستدعی تمیز طرفندن ویریلان لایحه ده وکیلنك کوئردیدیکی خبر کندوسنه واصل اولدیغندن طولانی کلدیکی حالده محکمه یه کلامسی بئندن نکول عد اولنه رق علیه حکم اولنسی یولسنر ومغایر قانون اولدیغندن وافادات سائرمدن بختله اعلامك نقضی و لایحه جوابیه ده دخی غیروارد اولان اعتراضاتك ردیه موافق اصول وقانون اولان اعلام مذکورك تصدیقی طلب واستدعا اولنشدر .

ایجاب کیفیت مذاکره اولندقدہ خصوص مدعی هر نه قدر برمنوال محرر حکم وقراره ربط اولنش ایسه ده مدعی علیه تعیین اولنان کونده بین ایچون محکمه یه کلسی وکیلنه اخطار اولنسی اوزرینه کلامسی بئندن نکول عد اولنه میه جغندن غیابنده بئندن نکولنه تعلیقاً قرار ویرلنسی لازم کلورکن محکمه جه بوجهت نظر دفته النیه رق مدعی علیه بئندن نکولنه بناء قرار ویرلنسی مخالف قانون اولدیغندن اصول محاکمه حقوقیه قانونك ایکوز قرق برنجی ماده سی حکمنه توفیقاً کیفیتك تکرار بوجه مشروح بالرؤیه اعلامه ربطی ضمننده محکمه مذکوره یه اعاده سنه وزیرده مفردات ومعطیسی محرر مصارف تمیزیه نك ایلروده حقسنر حقیقه جق طرفه عائد اولسنه ۱۵ حزیران سنه تاریخنده متفقاً قرار ویرلدی .

محکمه تمیز حقوق دائر سنده صادر اولوب ۱۳ تموز سنه ۳۳۰ تاریخنده قرار ویریلده اعلام صورته ییر :

«دین ایچون اموال غیر منقوله نك فروختی حقنده کی احکام مخصوصه قانونیه»

«دائر سنده لازمکلان صوک اخبار نامه نك تنظیم وتبیلنی لوازم قانونیه دندر»

اقشهر قصبه سنك حاجی حمزه محله سندن حاجی خلیل چاوش اوغلی محمد ایله محله مذکوره دن عمر اغا زاده عبدالرحمن مخدومی مصطفی میانه لرنده متکون دعوا یه دائر اقسهر بدایت محکمه سندن ۲ نیشان ۳۳۰ تاریخنی و یوز یش عددیه تمیزاً تدقیقی استدعا قلنان اعلام طرفینك اعتراض وجواب لایحه لرله بالمطالعہ تدقیقات تمیزیه اجراسنه ابتدار قلندی .

اعلام مذکورك خلاصه مندرجاتنه کوره مزبور محمد محکمه مذکوره یه باعرضحال مراجعتله حاجی حمزه محله سنده کائن معلوم الحدود و المقدار درت بیک بشیوز غروش قیمتلی بر قطعه عرصه سنی مقدما زراعت بانقه سنه بالترهین استقراض ایلدیکی مبالغی تأدیه ایده مدیکی مدت ده منقضى اولدینی جهتله اجرا دائره سی مزبور مصطفایه بیع وفراغ ایلش ایسه ده کیفیت فراغی متضمن صوک اخبار نامه کندوسنه تبلیغ ایدلماش اولدیغندن قانونه موافق اولیان فراغ واقعک ابطالیه مشتری مرقومك محل مذکوره واقع اولان مداخله سنك

منعنی طلب و دعوی و مدعی علیه مصطفی دخی اولبابده کی معاملات فراغیه نك اصوله موافق بولندیغندن ادعای واقعه ردی لزومی مدافعه در میان ایلمری اوزرینه مدعی عمومی حضوریه اجرا قلنان محاکمه و تدقیقات نتیجه سنده اولبابده کی مزاد قائمه سیله ایکنجی اخبارنامه نك اصولی دائره سنده تنظیم و تبایغ و مدعی به عرصه نك مدعی علیه عهده سنده معامله قیدی رسمیه سی اجرا ایدلمش اولدینی تحقق ایتش اولدیغندن مدعی محمدك مدعی علیه مصطفی افندی به قارشو بوجه معارضه نك منعه حکم و قرار ویرلدیکی اکلالمشدر.

مستدعی تمیز طرفندن ویریلان لایحه ده ۱۹ شباط ۳۲۸ تاریخلی و بالاسنده ایکنجی اخبارنامه عنوانی اخبارنامه یرنجی اخبارنامه قوت و ماهیتده اولدینی واحاله قطعه دن صکره معامله فراغیه نك اجرا قلنه جفی اوچنجی براخبارنامه ایله کندسنه اخطار اولمدینی یولنده کی نواقص قانونیه به بناء فراغك بطلافی لازم کلورکن محکمه جه بوندن ذهول اولنسی یولسز و مخالف قانون اولدیغندن بحثله اعلامك نقضی و جواب لایحه سنده غیر وارد اولان اعتراضات مسروده نك ردیه موافق اصول و قانون اولان اعلام مذکورك تصدیق طلب واستدعا اولمشدر.

ایجابی مذاکره اولدقدده خصوص مدعی هر نه قدر محکمه جه برمنوال محرر تحت حکمه النمش ایسه ده دین ایچون اموال غیر منقوله نك فروختی حقدده کی احکام مخصوصه قانونیه دائره سنده لازم کلان صوك اخبارنامه نك تنظیم و تبلیغی لوازم قانونیه دن ایکن دائره اجراجه تعریفات قانونیه به غیر موافق صورتده بر اخبارنامه تنظیم و تبلیغیه اکتفا ایدلدیکی جلب اولنان اوراق اجرائیه به مربوط اخبارنامه مطالعه مندرجاتندن مستبان اولسنه نظراً محکمه جه بو جهتن ذهول اولنهرق مذکور اخبارنامه نك حکم ایچون اساس اتخاذ ایدلمسی مخالف قانون اولدیغندن اصول محاکمه حقوقیه قانوننك ایکوز اوتوز ایکنجی ماده سی موجبجه اعلام مذکورك نقضیه ایکوز قرق دردنجی ماده سی حکمنه توفیقاً کیفیک تکرار بالرؤیه اعلامه ربطی ضمنتده محکمه مذکوریه اعاده سنده وزیرده مفردات و معطیلی محرر مصارف تمیزیه نك ایلروده حقسز حقیقه جق طرفه عائد اولسنه ۱۳ تموز ۳۳۰ تاریخنده متفقاً قرار ویرلدی .

محکمه تمیز جزا دائره سی مقرراتی

محکمه تمیز جزا دائره سنده صادر اولان ۶ اغستوس سنه ۳۳۰ تاریخلی و ۲۳۸۷ نومرولی اعلام صورته بر :

« لسان رسمی به آشنا اولیان مهم ایچون علی الاصول ترجان تعیین ایدلمسی »

« موجب نقضدر »

ملاطیه سنجانغی بدایت محکمه سی جزا دائره سندن صادر اولان ۲۳ جمادی الاخر سنه ۳۳۲ و ۵ مایس

سنه ۳۳۰ تاریخلی وسکسان اوچ نومرولی اعلام ایله اوراق متفرعه سی باش مدعی عمومیک مأموریت علیه سندن نقض طلبی متضمن شعبان سنه ۳۳۲ و ۲۵ حیران ۳۳۰ تاریخلی وایکیک یکرمی بش نومرولی تبلیغنامه ایله محکمه تمیز جزا دائره سنده اعطا قلنمشدر.

اعلام مذکورك خلاصه مندرجاتی حصصنصور قضاسنك خوز کرد قریه سندن ملی سطینك اوغلی حسنی تفنك قورشونیه جرح و قتل ایدلکاری ادعا قلنمسندنطولای جنایتله اتهام اولنان کاخته نك اغجه مزورعه سندن اوسال حجان و کوچر حضره صور ثمرنك کوریشان اویماغندن حسن درویش واسماعیلی طوکی ویوسف بن مچو و فراری علی اوسف و هوس عمر یوسفك و جاهاً و غیاباً اجرا قلنان محاکمه نتیجه سنده مهمون مرقوموندن اسماعیل طوکی ایله فراری علی اوسفك من غیر تعمد قتل مذکور جراثلری شهادت واقع و دلائل سائر ایله ثابت اولدیغندن مجرمتلرینه و حرکتلرینه توافقی ایدن قانون جزانك قرق بشنجی ماده سی دلائله یوز یتش دردنجی ماده سی حکمنه توفیقاً اون بشر سنه مدته کورکه قونلرینه و حسن درویش و قوعوفاتنه مبنی حقدده کی حقوق عمومیه دعواسنك سقوطنه و دیگر مهملرک برائتلینه ۲۳ کانون اول سنه ۳۲۹ تاریخنده حکم اولندیغندن عبارتدر .

مدعی عمومی معاونلکک لایحه تمیزیه سنده دخی شهادت واقعه فعل قتلك فراری علی یوسف طرفندن ایقاع ایدلدیکنه دائر بولندیغندن و ۲۶ اغستوس سنه ۳۲۹ تاریخلی جلسه محاکمه اعضادن برینك امضاسندن عاری اولدیغندن واشبو جلسه ده وکیلک صفتك کوسترلیدیکنه هیئتجه تبدل و قوعبولدینی حالدده ضبط سابق قرائت اولندیغندن وایکنجی و اوچنجی جلسه محاکمه ده قلملره ترجان تعیین ایدلدیکندن و سائرده نك بحال اعلامك نقضی استدعا قلنمشدر .

اوراق دعوانك مطالعه سندنصکره حکم وجاهی جنایتدنطولای تدقیقات تمیزیه اجرا اولدقدده تبلیغنامه دخی بیان اولدینی اوزره لسان رسمی به آشنا اولیان مهم مرقوم ایچون برنجی وایکنجی قسم محاکمه لره علی الاصول ترجان تعیین ایدلمسی ایجاب ایدرکن تعیین ایدلمسی و ۲۶ حیران سنه ۳۲۹ تاریخلی جلسه محاکمه نك زیری اعضای موجوده نك امضالریله مضی اولسی لازم کلرکن اعضادن برینك امضاسندن عاری بولنسی واشبو جلسه ده وکیل مدافع تعیین اولنان صدیق اقدینك کوسترلسی اقتضا ایدرکن کوسترلماش و هیئتجه تبدلات وقوع بولدینی حالدده بو آندنصکره کی بعض جلساته ضبط سابق قرائتی صورتیه تکریر محاکمه قاعده سنده رعایت اولنماسی و مقتولک معاینه سنی اجرا ایدن طبیک تعریفات قانونیه دائره سنده امر تخلیفك اجرا ایدلدیکنك کوسترلسی لازمه قانونیه سندن ذهول ایدلمسی مستلزم نقض احوال دن کورلمش و لایحه ده بوکا متفرع سرد ایدیلان اعتراضات بجا بولنش اولغله اصول محاکمات جزائییه قانوننك اوچوز اون دردنجی ماده سی حکمنه توفیقاً اعلام مذکورك نقضیه احکام قانونیه دائره سنده ایقای معامله اولنق

اوزره اوراقلك محله اعاده سنه ودرتيوز غروش اعلام خرجك ايلروده حقسنز چيقه جق طرفدن تحصيله
٣ تموز سنه ٣٣٠ تاريخنده متفقاً قرار ويرلدى.

محكمه تمميز جزا دائره سنده صادر اولده ٦ اغسطس سنه ٣٣٠ تاريخلى ٢٣٨٩ نومرولى اعلام صورتيور:

«شهودك شهادتي ايله دلائل مستحصله نك مجرميت قرارنده موضحاً ذكر وتفصيل»

«اولنامسى موجب نقضدر»

سيوه رك سنجاغى بدايت محكمه سى جزا دائره سندن صادر اولان ٤ رجب سنه ٣٣٢ و ١٥ مائيس سنه
٣٣٠ تاريخلى ويتش نومرولى اعلامك حكم جنائى جهتي راساً تابع تمميز اولوب جنايتدن متولد برائت جهتك
دخى تمميزاً تدقيقى حقنده محكمه مذكوره مدعى عمومى معاونلكسندن معطى استدعا نامه ايله متفرعاتى باش
مدعى عمومىك مأموريت عليه سندن ٦ شعبان سنه ٣٣٢ و ١٧ حزينان سنه ٣٣٠ تاريخلى وبيك سكز يوز
اون آلتى نومرولى تبليغنامه ايله محكمه تمميز جزا دائره سنه اعطا قلمش ولدى التدقيق مذكور استدعا نامه نك
مدت قانونيه سى طرفنده ويرلديكى اكلاشلمش اولمغله بالقبول مطالعه اولندى .

اعلام مذكورك خلاصه مندرجاتى : چرميك قره موسى قريه سندن حسين بن يوسفك نكاهلىسى
ذوالفيه نام ديكر خاتونى جبراً قاچيره رق بكرينى ازاله ايلدكلى ادعا قلمسندن طولايى جنايتله اتهام اولنان
قريه مذكوره دن يوسف بن خليفه و خليفه بن حسن و حسن بن مصطفى و عبده بن عمر و حاجى بن احمدك
اجراقلان محاكمه لرى تيجه سنده متهملردن يوسفك مزبوره ذوالفيه نى جبراً قاچيروپ بكرينى ازاله يه جراتى
دلائل و امارات قانونيه ايله ثابت اولمغله مجرميته و حركتنه توافق ايدن قانون جزانك ايكي يوز التيجى ماده سنه
تطبيقاً اون سنه مدته كوركه قولسنة وديكر متهملرك براتلرينه ٢ شباط سنه ٣٢٩ تاريخنده حكم اولنديغندن
عبازتدر .

مذكور معاونلكك لايحه تمميزيه سنده برائت ايدن متهملرك فعل مذكوره فرعاً ذيمدخل بولندقلى
استنطاقاً افاده سى مضبوط مزبوره ذوالفيه نك زوجى حسين ايله برابر براوطه ده بولندقلى صره ده حاضر
بالمحاكه متهملرك جمله سى بالمهجوم كنديسى كتوردكلى سويلسى وحاكمة استماع قلنان مخبرلردن ابراهيم
خليل اوغلى بكرك حاضر متهملرك جمله سى مسلح اولدقلى حاله مزبوره نى كتورمكده اولدقلى كوردىكى
اخبار ايتسى و بكرينىك ازاله ايلديكنك عندالمعاينه اكلاشلمسى ايله ثابت ايكن براتلرينه قرار ويرلمسى
مخالف قانون اولديغندن بحمله حكم مذكورك نفعاً للقانون نقضى استدعا قلمشدر .

سالف الذكر تبليغنامه ده دخى مرقوموندى يوسف بن خليفه اون بش ياشنده اولديغنى عندالمحاكه بيان
ايتش ايكن بوجتهك تدقيقندن ذهول ايدلمسى و مزبوره وقعه دن برقاچ كون صكره وفات ايتش اولديغنى

منفهم اولديغى حاله كيفيت و هتى حقنده بركونا تدقيقات اجرا قلمامسى و جرمك اسباب ثبوتيه سى قرار
عنده تفصيل و توضيح ايدلمامسى مخالف قانون بولنش و تمميز لايحه سنده مرقوم يوسفدن ماعداسنك فعل
مذكوره فرعاً ذيمدخل اولدقلى استماع اولنان شاهدلردن ابراهيم خليل اوغلى بكرك شهادتى و مغدوره
ذوالفيه نك تعيين شخص ايله حصر دعوى ايدلى دلائلريله ثابت ايكن براتلرينه قرار ويرلمسى منافى قانون
اولديغندن بحمله درميان ايدلان اعتراضات موقع بحث و مذاكره قونيله رق اسباب موجب رديه سى كوسترلامش
اولمى اعتباريله وارد و بجا كورلمش اولديغندن بحمله اعلام مذكورك نقضى طلب اولمشدر .

اوراق دعوى بعدالمطالعہ حكم جنائى ايله حكم تمميز بدن طولايى تدقيقات تمميزيه اجرا اولندقه :
عندالمحاكه استماع قلنان شهودك شهادتى ايله دلائل مستحصله نك مجرميت قرارنده موضحاً ذكر وتفصيل
قلمسى لزومندن ذهول ايدلمش اولمغله تبليغنامه نك اوچنجى فقره سى بو طريقه وارد اولديغى كى فقرات
سائر سى دخى مندرجات اعلامه نظراً بجا و نقض حكمى مستلزم بولنش و متهمل يوسفك محكوميتى حقنده
استناد اولنان دلائل فرعاً ذيمدخل اولمق اوزره اتهام ايدلان اشخاصه دخى شامل بولنديغى حاله بوباده
بركونا اسباب تعليله كوسترلمكسز مرقومونك براتلرينه قرار ويرلمسى يولسز اولديغنه دائر محلى
مدعى عمومىك لايحه تمميزيه سنده سرد اولنان اعتراضات ده وارد كوراش اولمغله اعلام مذكورك حكم
جنائى جهتك اصول محاكمات جزائيه قانونك اوچيوز اون درديجى و برائته متعلق بولنان قسمك دخى
اوچيوز اون بشنجى ماده لرينه توفيقاً و اسباب مشروحه دن طولايى نقضنه و احكام قانونيه دائره سنده ايفاي
معامله اولمق اوزره اوراقلك محله اعاده سنه و درتيوز غروش اعلام خرجك ايلروده حقسنز چيقه جق
طرفدن تحصيله ٢٦ حزينان سنه ٣٣٠ تاريخنده متفقاً قرار ويرلدى .

محكمه تمميز جزا دائره سنده صادر اولده ٦ اغسطس سنه ٣٣٠ تاريخلى ٢٣٩١ نومرولى اعلام صورتيور:

«متهمل سنى حقنده حصوله كلن قيودات متباينه نك حل و تألينى لزومه دائر»

قيرشهرى سنجاغى بدايت محكمه سى جزا دائره سندن صادر اولان ١٧ نيسان سنه ٣٣٠ تاريخلى وديكر مى
نومرولى اعلام ايله متفرعاتى باش مدعى عمومىك مأموريت عليه سندن ١١ شعبان سنه ٣٣٢ و ٢٢ حزينان
سنه ٣٣٠ تاريخلى وبيك طقوزيوز او توزدورت نومرولى تبليغنامه ايله محكمه تمميز جزا دائره سنه اعطا قلمشدر .

اعلام مذكورك خلاصه مندرجاتى : اوچيوز يكرمى سكز سنه سى تشرين اولنك اوچنجى كوفى يلك
قريه سندن صاطى اوغلى موسانك چوبانى جعفرى قتل ايلديكى ادعا قلمسندن طولايى جنايتله اتهام اولنان

جلیل اوغلی مصطفی مخدومی محمد و مرقومه معاونتده بولمسنندن ناشی کذلک جنایتله متهم حضر اوغلی زبیرک اجرا قلنان محاکمه لری نتیجه سنده متهملردن محمدک متهوراً ومن غیر تعمد فعل قتل مذکورہ جرائی وزبیرک دخی مقتولی طومتق صورتیله فعل مذکورده فرعاً ذیمدخل اولدینی استماع قلنان شهودک شهادتی وضبط وکشف ورقه لری مندرجاتی و طیب راپوری محتویاتیه ثابت اولدیغندن اولوجهله مجرمیتلرینه و صورت حرکتلرینه نظراً محمدک قانون جزانک یوز یتیش دردنجی و حین ایقاع جرمده اون سکیز یاشنی اکال ایلامش اولدینی اکلاشلغله قرقچی ماده لرینه تطبیقاً مستحق اولدینی اون بش سنه کورک جزاسنک نصفی بولنان یدی بچق و دیگر متهم زبیرک دخی قانون مذکورک قرق بشتیجی ماده سی دلالیه مذکور یوز یتیشی و حین ایقاع جرمده اون بش یاشنی اکال ایلامش بولمسنه بناءً قرقچی ماده لری احکامنه توفیقاً و بدایت تاریخ توقیفی اوچوز اوتوز بر سنه سی ذی القعدة سنک یکریمی آلتیجی کونندن اعتباراً تقدیر اولنان اون سنه کورک جزاسنک ربی بولنان ایکی بچق سنه مدتله حبس لرینه ۱۷ نیشان سنه ۳۳۰ تاریخنده حکم اولندیغندن عبارتدر .

سالف الذکر تبلیغنامه ده دخی دعوی مذکورہ نک صورت جریان محاکمه سی حقنده اعتراضه محل کوریلهمیوب انجق تحریر عتیق موجبجه اون بش یاشنی اکال ایلامش و مجلس اداره لواجه شهادت صحیحیه بناءً اوچوز اور تولدی بولندیغنی تعیین ایدلمش اولان متهم محمدک تحریر جدیدہ نظرآ سنی اون بشی متجاوز اولدیغنه قرار ویریلرک قرقچی ماده نک اوچنجی فقره سنه توفیقاً تحدید مجازات اولنسی یولسز اولدینی بیانیله اعلام مذکورک فقره حکمییه عائد جھتک نقضی طلب اولمشدر .

اوراق دعوی بعدالمطالعہ تدقیقات تمیزیه اجرا اولندقدہ متهملردن زبیر حقیقده جریان ایدن محاکمه ایله لاحق اولان حکم اصول وقانونه موافق بولندیغندن حکم مذکورک تصدیقته و دیگر متهم حقیقده کی حکمه کلتجه مرقومک سجل نفوسده قید عتیقه نظرآ اوچوز اون درت و قید جدید موجبجه اوچوز اون ایکی تاریخ تولدیله مقید بولنسی حبسیله مرقومک سنی حقنده حصوله کلان اشبو قیودات متباینه نک حل و تألیفیه سن حقیقیسنک تعیینی ضمننده کیفیت مجلس اداره یه حواله ایدلمش و مجلس مذکورجه نظامنامه مخصوصنه توفیقاً شهود استماع ایدلمک صورتیله اتخاذ قلنان قرار مذکور قید عتیق مؤید بولنشیکن متهمک لهنه اولان اشبو قید و قرارک عدم قبولیه اون بش یاشنی اکال ایتدیکنی ارانہ ایدن قید جدیدک اسباب موجبہ کوسترلمکسزین قبولی اولوجهله تعیین مجازاتی جهته کیدلمسی مخالف قانون احوالین بولنش اولغله اصول محاکمات جزائیہ قانونک اوچوز اون دردنجی ماده سنه توفیقاً اعلام مذکورک مرقوم محمد متعلق بولنان جھتک دخی نقضه و احکام قانونیه دائره سنده ایفای معاملہ اولنق اوزره اوراقلک محانه اعاده سنه و ایکی یوز غروش تصدیق خرچنک زبیردن و درت یوز غروش نقض خرچنک دخی ایلروده حقسز حقیقه جق طرفدن تحصیلنه ۲۶ حیزران سنه ۳۳۰ تاریخنده متفقاً قرار ویرلای .

ملکمه تمیز جزا دائره سنده صادر اولده ۱۷ اغستوس سنه ۳۳۰ تاریخلی ر ۱۹۵۷ نومرولی اعلام صورتیده :

« فتح میت نتیجه سنی حاوی طیب راپورلنده متوفی نک جسندنه کوریلان جرحه . »
« لردن هانکیسنک تأثیریه وفات ایتدیکی تعیین اولنامش اولماسی طیبیک تکرار . »
« جلیله بوجهتک یکیدن استیضاحی استلزام ایتدیکنه دائره . »

اتقره ولایتی استیضاحی محکمه سی جزا دائره سندن تنظیم واعطا قلنان ۲۷ رمضان ۳۳۲ و ۸ حیزران ۳۳۰ تاریخلی طقسان ایکی نومرولی اعلام ایله اوراق متفرعه سی باش مدعی عمومیلک مأموریت علیه سندن ۱۷ شعبان ۳۳۲ و ۲۸ حیزران ۳۳۰ تاریخلی و بیک طقوز یوز سکسان نومرولی تبلیغنامه ایله محکمه تمیز جزا دائره سنه تودیع ایدلمکله مطالعه قلندی .

اعلام مذکورک خلاصه مالی اوچوز یکریمی طقوز سنه سی حیزراننده اون دردنجی کونی قلعه جک قضا سنک دکمش قریه سندن قره نابی اوغلی حسینک کیفیت قتلندن طولای جنایتله اتهام اولنان قریه مذکورہ لی سلیمان اوغلی محمد و قره مصطفی اوغلی دیگر محمدک اجرا قلنان محاکمه لری نتیجه سنده متهمان مرقوماندن قره مصطفی اوغلی محمدک بالاییجاغنک ارقه طرفیله مرقوم حسینی باشندن ضرب و جرح ایدرک وفاتنه سببیت ویردیکی و دیگر محمدک دخی مرقوم حسینی صوبایله قولارندن و اوموز باشلرندن ضرب ایله قوتدن دوشورمک و مرقوم محمدک فعلی تسهیل ایتک صورتیله قتله فرعاً ذی مدخل اولدینی شهادت واقعہ و امارات سائرہ ایله ثابت اولدیغندن اولوجهله مجرمیتلرینه و بولردن قره مصطفی اوغلی محمدک قانون جزانک یوز یتیش دردنجی ماده سنه توفیقاً بعدالتشهر اون بش و دیگر محمدک قرق بشتیجی و مذکور یوز یتیش دردنجی ماده لری احکامنه تطبیقاً اصل فعل ایچون معین اولان اون بش سنه کورک جزاسنک ثلاثی اولان اون سنه مدتله کورکه قوللرینه ۲۹ مایس ۳۳۰ تاریخنده حکم اولندیغندن عبارتدر .

تبلیغنامه ده دخی عندالاستنطاق اون التی یاشنده اولدیغنی بیان ایلمسندن ناشی افاده سی مخلفاً ضبط اولنان ورؤیتنه مستنداً اخباراتده بولنان شاهد نیشان بن احمدک سن حقیقیسی نفوس اداره سندن استعلام اولنقسزین انشای محاکمه ده اون ایکی یاشنده اولدیغنه دائر اولان قول مجردینه اعتبار ایدیلرک بلا تخلیف استماع اولنسی مستلزم نقض اولدیغندن بخنله اعلامک نقضی طلب ایدلمشدر .

تدقیقات تمیزیه اجرا اولندقدہ تبلیغنامه ده شاهد نیشانک سنی تحقیق اولنقسزین بلا تخلیف استماع اولدیغنه دائر درمیان اولسان اعتراض مندرجات ضبط نامه و اعلامه نظرآ وارد اولدینی کبی فتح میت نتیجه سنی حاوی طیب راپورلنده مرقوم حسینک وفاتندن اون کون اول المش اولدینی جرحه لردن و باشلیجه رأسنک اوزرلنده بولنان جرحه نک دماغه اولان تأثیرندن وفات ایدلیکی مندرج اولوب مرقومک جسندنه کوریلان جرحه لردن هانکیسنک منتج موت اولدینی قطعاً تعیین اولنامش اولمسنه کوره طیبیک جلیله

بوجهتك كندوسدن استيضاحي لزومندن ذهول ايدلش ومتهمك ييجاق ارقه سيله اورمش اولمسنك قصدقته دلالت ايدر احوال دن اولوب اوله ميه جني جهتي دخي موضوع بحث ومذاكره ايدلامش اولمسي دخي مخالف قانون و نقض حكمي مستلزم بولنديغندن اصول محاكمات جزائيه قانوننك اوچيوز اون درنجي ماده سنه توفيقاً اعلام مذكورك تقضيله احكام قانونيه دائره سنده ايفاي معامله اولمق اوزره اوراقتك محله اعاده سنه ودرتيوز غروش اعلام خرجنك ايلروده حقسز چيقه جق طرفدن تحصيلنه ١ تموز ٣٣٠ تاريخنده متفقاً قرار وپرلدي .

محكمة تميز جزا دائره سنده صادر اولده ٧ اغستوس سنه ٣٣٠ تاريخي ١٩٥٧ نومرولي اعلام صورتيدر :

« مشتكيلك تردددن سالم اولميان تشخيصليني مؤيد اسباب ثبوتيه كافيه مجرميت »
« قرارنده ارائه و توضيح ارفلامسي نقض حكمي مستلزمدر »

توقاد سنجاني يدانيت محكمه سي جزا دائره سندن صادر اولان ٢٣ جمادي الاول سنه ٣٣٥ و ٢ نيسان سنه ٣٣٠ تاريخلي و بيك آلتش بر نومرولي اعلام ايله اوراق متفرعه سي باش مدعي عموميلك مأموريت عليه سندن ١٢ شعبان سنه ٣٣٢ و ٢٣ حيران سنه ٣٣٠ تاريخلي و بيك طقوز يوز اللي بر نومرولي تبليغنامه ايله محكمه تميز جزا دائره سنه اعطا قلمشدر .

اعلام مذكورك خلاصه مالى : اوچيوز يكرمي سكر سنه سي ايلولي طرفنده اربعه نك صونيسا قريه سندن فيضاه اوغلي سيد احمد ايله على افندي اوغلي عمر كرك اوكلرينه چيقه رق نقود واشياي سائر لرني صورت جبريه اخذ و غصب ايلدكلى ادا قلمسندن طولايي جنايته اتهام اولنان اربعه نك كلنكره قريه سندن صوفته اوغلي عارف بن عمر ويونس بن ايوب و فراري سرناش اوغلي احمدك و جاهاً و غيباً اجرا قلنان محاكمه عليه لري نتيجه سنده متهمون مرقوموندى عارف ايله احمدك معامله جبر و شدت اجرا سيله فعل غصب مذكوره جرأتلري شهادت واقعه و دلائل و امارات سائر ايله ثابت اولديغندن اولوجهله مجرميتلرينه و حركتلرينه توافق ايدن قانون جزانك ايك يوز يكرمي برنجي ماده سنه توفيقاً مع التمهيد اوچر سنه مدته كوركه قوللرينه و ديكر متهم يونسك ده برائته ١٧ شباط سنه ٣٢٩ تاريخنده حكم اولنديغندن عبارتدر .
سالف الذكر تبليغنامه ده دخي : دعواي مذكوره نك صورت جريان محاكمه سيله قانونه تطبيق حقهده اعتراضه محل كوريله مديكسندن بختله اعلام مذكورك تصديقي طلب اولمشدر .

اوراق دعوى بعدالمطالعه حكم جنائي و جاهيدن طولايي تدقيقات تميزيه اجرا اولندقده و جاهاً محكوم بولنان عارفك فراري احمد ايله برلكده فعل مذكوره جرأتلري حقهده مشتكيلك تردددن سالم اولميان

تشخيصليني مؤيد اسباب ثبوتيه كافيه مجرميت قرارنده ارائه و توضيح اولنلامش و بوده نقض حكمي مستلزم بولنش اولديغندن اصول محاكمات جزائيه قانوننك اوچيوز ارن درنجي ماده توفيقاً حكم مذكورك نقضه و احكام قانونيه دائره سنده ايفاي معامله اولمق اوزره اوراقتك محله اعاده سنه ودرتيوز غروش اعلام خرجنك ايلروده حقسز چيقه جق طرفدن تحصيلنه ١ تموز سنه ٣٣٠ تاريخنده متفقاً قرار وپرلدي

محكمة تميز جزا دائره سي قرار

محكمة تميز استدعا دائره سنده صادر اولده ٢٨ مبرانه سنه ٣٣٠ تاريخي ٤١٤ نومرولي اعلام صورتيدر :

« حكم غيبي اعلامنك مرور زمان مدتي محكوم عليه ك ذاته تبليغندن اعتباراً باشلا ديفته داث »

نابلس سنجاني يدانيت محكمه سي جزا دائره سندن استينافاً تنظيم واعطا قلنان ٣ شباط سنه ٣٢٩ تاريخ و بشيوز اوتوز بش نومرولي اعلامك تميزاً تدقيقي مستدعي حمزه بن عبد الجواد جانبندن معطى اسندا ايله اوراق متفرعه سي باش مدعي عموميلك مأمورين عليه سندن بتبليغنامه محكمه تميز استدعا دائره سنه توديع اولنش ولدي التدقيق مذكور استدعانك مدت قانونيه سي طرفنده اعطا و شرائط لاهمه سائر سناك دخي ايفا قلنديني اكلاشلمش اولديغندن بالقبول تدقيقات تميزيه اجرا سنه ابتدار ايدلدي .

اعلام مذكورك خلاصه مالى على و محمدك ايكي رأس او كوزني سرقت ايلدكلى ادا قلنان حمزه بن عبد الجوادك قانون جزانك ايك يوز يكرمي درنجي ماده سي حكمه توفيقاً ايكي سنه حبس نه داث عن الغياب لاحق اولان حكم عليهنده مظنون مرقوم جانبندن اعطا قلنان اعتراض على الحكم استدعا نامه سناك مرور مدتني ناشي رديني حاوي بدايه صادر اولان اعلامك عندالاستيناف موافقت قانونيه سندن بختله تأييدينه قرار وپرلديكني متضمندر .

لايحه تميزيه ده بدايه صادر اولان حكم غيبي اعلامنك كندوسنك حورانده بولنديني اثناده محل اقامتي عد اولميان عموجه زاده سناك خانه سنه تبليغ ايدلديكنه داث عندالحاكمه درميان ايلديكي اعتراضاتك نظر دفته التمسرين اصول محاكمات جزائيه قانوننك يوز تيش برنجي ماده سنه مخالف اوله رق استدعا نامه سناك بوجه محرر دينه داث بدايه صادر اعلامك عندالاستيناف تصديق اولمسي مخالفه اصول وقانون ايدو كندن بختله اعلام استينافينك نقض استدعا قلنديني كبي تبليغنامه ده دخي بدايه صادر اولان اعلام غيبي مرقومك ذاته تبليغ اولميوب اقامتكاهنه تبليغ ايدلش اولمسه و مرقوم اتناي تبليغهده حورانده بولنوب بوتبليغاتدن خبردار اولمديغني و اقامتكاهنه عودتنده اعتراض استدعا نامه سي اعطا ايلديكني اول و آخر مدافعه تذكار

ایله عکسی ثابت اولماسنه نظراً اصول محاکات جزائیہ قانونک یوز یمش برنجی ماده سنک صوک فقره سنه توفیقاً اعتراض استدعایه سنک قبولی ایله محاکمه اجرایی لازم کورکن درجه اولی محکمه سنجه عکس یولده ویریلان قرارک تشکیل ایلدیکی سبب فسحک درجه ثانیه محکمه سنجه نظر اعتباره التمسین حکم ابتدائیک تصدیقه قرار ویرلمسی مغایر قانون اولدینی بیانیه مذکور اعلام استینافینک بوسیدن نقضی لزومی کوسترلمشدر.

ایجابی لدی المذاکره اصول محاکات جزائیہ قانونک یوز یمش برنجی ماده سنده حکم غیابی اعلامنک محکوم علیک ذاتیه تبلیغ اولمادیکی و حکمک اجراسدن دخی خبردار اولمادیکی صورتده جزانک مرور زمان ایله سقوطی ایچون معین اولان مدت قانونیه نک انقضاسنه قدر حق اعتراضک محفوظ ایدوکی مرقم اولسنه و مستدعی تمیز حمزه علیهنده بدایه صادر اولوب مرقوم طرفندن اعتراض اولنان حکم غیابی اعلامی کندوسنک جوارنده بولندینی ائاده اقامتگاهنه تبلیغ ایلدیکی و اقامتگاهنه عودتندن صکره ذکر ایدیلان حکم غیابینک لحوقه کسب اطلاع ایتسی متعاقب مدتی ظرفنده اعتراض ایتدیکی بیان ایتسنه و بونک عکسی اثبات ایدر احوال و کیفیاتک فقدانیه کوره اولیاده کی اعتراض عرضانک قبولی لزوم قانونیسنه قارشو ردی جهته کیدلمسندن ناشی فسحی مقتضی بولنان اعلام ابتدائینک محکمه استینافیه جه بوجهت نظر دفته التمسین تصدیق اولنسی تبلیغامده دخی کوسترلیدیکی اوزره یولسز و مغایر احکام قانون اولوب اعتراض واقع وارد و بجا کورنمش ایدوکنندن اصول مذکورک اوچوز اون دردنچی و اوچوز اون طقوزنجی ماده لری منطوقجه اعلام استینافینک سبب مشروحه بناءً نقضیه احکام قانونیه دائره سنده ایفای معامله اولنق اوزره اوراق دعوانک محله اعاده سنه و درتیوز غروش اعلام خرجنک تعرفه و تعلیمات مخصوصه سی موجبجه ایلروده حقسنز حقیقه جق طرفدن استیفاسنه ۲۶ نisan سنه ۳۳۰ متفقاً قرار ویرلدی.

محکمه تمیز استرعا دائره سنده صادر اولره ۱ اغستوس سنه ۳۲۹ تاریخنی و ۳۸۰۲ نومردلی اعلام صورته:

« محاکم ضبطنامه سنک میعاد قانونیسنده قلمه آلهرق هیئت حاکمیه امضا ایتدیرلمسی لازمدر »

حکاری سنجاغی بدایت محکمه سی جزا دائره سنندن استینافاً تنظیم و اعطا قلنان ۲۴ شباط سنه ۲۳۸ تاریخ و اوچوز اونیدی نومردلی اعلامک تمیزاً تدقیق طلبنی حاوی محکمه مذکوره مدعی عمومی معاونلکی جانبندن معطی استدعایه ایله اوراق متفرعه سی باش مدعی عمومیک مأموریت علیه سنندن با تبلیغامه محکمه تمیز استدعا دائره سنه تودیع اولنمش ولدی التدقیق مذکور استدعایه نک مدت قانونیه سی ظرفنده اعطا قلندینی آکلاشلمش اولدیغندن بالقبول تدقیقات تمیزیه اجراسنه ابتدار ایلدی .

اعلام مذکورک خلاصه مآلی : شکری بکی خلاف قانون حبس ایلدیکی ادعا قلنان خوشاب قضاسی ژاندارمه بلوک ملازمی عمر افندینک عدم مسؤولیتنه دائر استینافاً لاحق اولان حکمک عندالتمیز اسباب قانونیه دن طولانی نقض و اعاده اولنسی اوزرینه بوکره اسباب نقضیه اتباعاً سبق ایدن محاکات و تدقیقات نتیجه سننده مظنون عمر افندی تأمین آسایش نقطه نظرندن اسلحه ممنوعه طاشیمقده اولان شکری بکی در دستله حقنده تحقیقات ابتدائی اجرا ایتک صورتیه تحت نظارته آلدینی اخبارات واقع ایله آکلاشلیمقده ایسه ده مومی الیهک یکریمی درت ساعتدن زیاده توقیف ایلدیکی حقنده یکدیگری مؤید بر کونا اخبارات و امارات قانونیهیه اقتران اولنه مامسنه و شهودک شهادتی ایسه شکری بک افاده مجرده سنه معطوف اولهرق معئل و لاعلی التعین اولسنه و مسئله نک وظیفهیه تعلق ایدر حرکتدن بولنسنه بناءً بر سبب قانونی تشکیل ایدهمیان احوال مسرووده دن ناشی مومی الیه عمر افندینک عدم مسؤولیتنه قرار ویرلیدیکی متضمندر .

لایحه تمیزیه ده محکمه استینافیه جه نقض واقع دائره سنده ایفای معامله ایلدیکنه و محاکمه ضبطنامه سنده محاکمه نک بدایتندن نهایته قدر دوام ایدن جلسه لک و صوک صحیفه ده کی حقیقتینک رئیس و اعضانک امضالرندن عاری بولندیغنه دائر اعتراضات سردیله اعلام اخیر استینافینک دخی نقضی طلب قلندیکی کی تبلیغامه ده دخی مذکور لایحه ده محرر اعتراضاتدن ضبطنامه نک برنجی جلسه دن اعتباراً صوک جلسه یه قدر جلساتک زیری رئیس محکمه نک امضاسندن عاری بولندیغنه دائر اعتراض وارد و بجا اولدینی بیانیه اعلام مذکورک نقضی لزومی کوسترلمشدر .

ایجابی لدی المذاکره محاکمدن تنظیم قلنان اعلاماتک محاکم ضبطنامه سنک میعاد قانونیسنده قلمه آلهرق هیئت حاکمیه امضا ایتدیرلمسی مقتضی اولدینی حالده محکمه استینافیه جه نقض واقع اوزرینه اجراسنه ابتدار اولنان محاکات و تدقیقات نتیجه سننده مظنون عمر افندینک عدم مسؤولیتنه دائر صادر اولان قرار استینافی اعلامنک اوراق میاننده موجود ضبطنامه سنک رئیس محکمه نک امضاسندن عاری اولسی مذکور ضبطنامه نک ختام محاکمدن صکره تنظیم ایلدیکنه دلالت ایتک و بوده موثوقیتنه تقیصه ایرات ایلکده اولمسندن ناشی شوحال تبلیغامه ده دخی کوسترلیدیکی اوزره یولسز و مستلزم نقض اسبابدن اولهرق اساس مسئله یه متعلق اعتراضاتک تدقیقنه محل کوریه مامش ایدوکنندن اصول محاکات جزائیہ قانوننک اوچوزاون درنجی و اوچوز اون طقوزنجی ماده لری منطوقجه اعلام استینافی مذکورک سبب مشروحه بناءً نقضیه احکام قانونیه دائره سنده ایفای معامله اولنق اوزره اوراق دعوانک محله اعاده سنه و درتیوز غروش اعلام خرجنک تعرفه و تعلیمات مخصوصه سی موجبجه ایلروده حقسنز حقیقه جق طرفدن استیفاسنه ۸ مایس سنه ۳۳۰ تاریخنده متفقاً قرار ویرلدی .

محکمہ تمیز استعدا دائرہ سندہ صادر اولادہ ۱۹ نموز سنہ ۳۳۰ تاریخ ۶۳۸ نومردلی اعلام صورثیر :

«محکمہ اعضاسنک اولاً مدعی عمومیک وکالتده وبالاخره هیئت حاکمه میاسنده»
«بولنسی موجب نقضدر»

ماردین سنجائی بدایت محکمہ سی جزا دائرہ سندن استینافاً تنظیم واعطا ۱۳۰ کانون ثانی سنہ ۳۲۹ تاریخنده تفهیم قلنان قراری ناطق اعلامک تمیزاً تدقیق طلبنی حاوی محکمہ مذکورہ مدعی عمومی معاونلکی جانبندن معطی استدعاناامہ ایله اوراق متفرعہ سی باش مدعی عمومیک مأموریت علیہ سندن باتبلیغنامہ محکمہ تمیز استعدا دائرہ سندہ تودیع اولنمش ولدی التدقیق مذکور استعدانامہ نک مدت معینہ قانونیہ سی ظرفنده اعطا قلندیی اکلشلمش اولدیغندن بالقبول تدقیقات تمیزیه اجراسنه ابتدار ایدلدی .

اعلام مذکورک خلاصہ مالی شوقی افندی بی ضرب وجرح ایلدکلی ادعاسیلہ مظنون اولان اسکندر افندی ایله رفقاسنک تحدید جزالینہ دائر بدایه لاحق اولان حکمک عندالاستیناف اسباب قانونیہ دن ناشی فسخیلہ سبق ایدن محاکمه وتدقیقات نتیجہ سنده مظنون مرقومونک فعل مذکورہ مجاسرت ایلدکلی نه دائر رؤیتہ مستند برکونا اخباراته دسترس اولنمیدیغندن بحثله برائترینه قرار ویرلدیکنی متضمندر .

لایحه تمیزیه ده مظنونلرک فعل مذکورہ مجاسرتلری طیب راپوری مندرجاتی وشهود مستمعہ نک رؤیتہ مستند شهاداتی ایله ثابت اولدینی دلده عندالاستیناف بوراسی نظردقته التفسیرین اولبابده کی حکم ابتدائیک فسخیلہ برائترینه قرار ویرلمسی یولسز ومغایر قانون ایدوکندن بحثله ذکر اولنان اعلام استینافینک نقضی استعدا قلندیی کی تبلیغنامہ ده دخی لایحه تمیزیه ده سرد ایدیلان اعتراضاتک اعلام میز به مندرجاتنه نظراً بحا اولدینی بیانیه اعلام مذکورک نقضی لزومی کوسترلشدر .

ایجابی لدی المذاکره اصول محاکمات جزائیہ قانوننک یکرمی دردنجی ماده سی صراحتی ایجابجه قانون محکمہ اعضاسنک اولاً مدعی عمومیک وکالتده وبالاخره هیئت حاکمه میاننده بولنسی صورتنه حصر ممنوعیت ایتیش اولسنه نظراً درجه اولی محکمہ سنجه جریان ایدن محاکماتک برنجی جلسہ سنده اعضا صفیلہ بولنمش اولان سلیمان افندی نک بالاخره معاون وکالتی وظیفه سی ایفا ایتیمی سبب فسخ تشکیل ایتیه جکی بدیدار ایکن محکمہ استینافیه جه شو سببه بناء حکم ابتدائیک فسخیلہ بر منوال محرر اتخاذ قرار اولنسی یولسز ومغایر احکام قانون اولوب اعتراضات سائرہ نک تدقیقنه محل کوریلہ مامش ایدوکندن اصول محاکمات جزائیہ قانوننک اوچوز اون دردنجی واوچوز اون طقوزنجی ماده لری منطوقجه اعلام استینافینک بوسیدن طولای نقضیلہ احکام قانونیه دائرہ سندہ ایفای معامله اولنق اوزره اوراق دعوانک محله اعاده سنه ودرتیوز

غروش اعلام خرجنک تعرفه وتعلیمات مخصوصه سنه توفیقاً ایلروده حقسنر چیقه حق طرفدن استیفاسنه ۲۴ مایس سنه ۳۳۰ تاریخنده متفقاً قرار ویرلدی .

محکمہ تمیز استعدا دائرہ سندہ صادر اولادہ ۲۱ نموز سنہ ۳۳۰ تاریخ ۵۱ نومردلی اعلام صورثیر :

«قانون جزانک قرقنجی ماده سی وتطبیق ماده»

سیواس ولایتی استیناف محکمہ سی جزا دائرہ سندن تنظیم واعطا قلنان وکانون اول ۳۲۹ تاریخ وایکیوز طقسان اوچ نومردلی اعلامک تمیزاً تدقیق مستدعی امیر پاشا زاده حمید بک جانبندن معطی استدعاناامہ ایله اوراق متفرعہ سی باش مدعی عمومیک مأموریت علیہ سندن باتبلیغنامہ محکمہ تمیز استعدا دائرہ سندہ تودیع اولنمش ولدی التدقیق مذکور استعدانامہ نک مدت قانونیہ سی ظرفنده اعطا وشرائط لازمه سائرہ سنک دخی ایفا قلندیی اکلشلمش اولدیغندن بالقبول تدقیقات تمیزیه اجراسنه ابتدار ایدلدی .

اعلام مذکورک خلاصہ مالی ایفای وظیفه اثناسنده قومیسر عبدالکریم افندی ومعیتی افرادینی اخافه قصدیلہ تشهر سلاح ایلدیکی ادعا قلنان حمید بک تحدید جزاسنه دائر لاحق اولان حکم استینافیده اصرارینی حاوی صادر اولان اعلامک محکمہ تمیزیک هیئت عمومیه سنجه نقض واعاده اولنسی اوزرینه بوکره اسباب نقضیه اتباع صورتیلہ غیاباً وایراً اعتراض علی الحکم اوزرینه سبق ایدن محاکمات وتدقیقات نتیجہ سنده مظنون مومی الیهک فعل مذکورہ جراتی شهود مستمعہ نک اخباراتی وضبط ورقه سی مندرجاتی ایله مرتبه شوبده کورلسندن ناشی قانون جزانک یوز اون اوچنجی ماده سی حکمنه توفیقاً الی ماه حبسنه قرار ویرلدیکنی متضمندر .

لایحه تمیزیه ده محکمہ استینافیه جه نقض واقع دائرہ سندہ ایفای معامله ایدلدیکنه و صورت تطبیقک مخالفت قانونیه سنه وکندوسنک حین ایقاع جرمدہ قاچ یاشنده اولدینی حقنده تدقیقات لازمه اجرا قلنمیدیغه واساسه دائر اعتراضات سردیلہ اعلام اخیر استینافینک دخی نقضی استعدا قلندیی کی تبلیغنامہ ده دخی مذکور لایحه ده سردایدیلان اعتراضات وارد ایدوکی بیانیه اعلام اخیر مذکورک نقضی لزومی کوسترلشدر .

ایجابی لدی المذاکره محکمہ استینافیه جه اجراسنه ابتدار اولنان محاکمات اثناسنده مظنون حمید بکک حین ایقاع جرمدہ قاچ یاشنده اولدینی حقنده تدقیقات لازمه اجرا قلنهرق نتائج حاصلیه کوره اول زمان مرعی اولان قانون جزانک یوزاون اوچنجی ماده سنه ولدی الحاجه مخفف جزا اولنسی اعتباریلہ ماقبلنه شمولی درکار اولان قرقنجی ماده سی حکمنه توفیقاً تعیین جزا اولنق مقتضی ایکن عندالاستیناف بورالری نظر اعتنایه التفسیرین بروجه محرر اتخاذ قرار اولنسی یولسز ومغایر احکام قانون اولوب بوجهتی متضمن اولان

اعتراضات وارد وبجا كورنمش ايدوكندن اصول محاكمات جزائيه قانونك اوچيوز اون دردنجي واوچيوز اون طقوزنجي ماده لري منطوقجه اعلام استينافينك اسباب محرره به بناء تقضيله احكام قانونيه دائره سنده ايفاي معامله اولمق اوزره اوراق دعوانك محله و تميز جزاي تقديسي اوله رق محلي مال صندوقه توديع ايدلمش اولان ايكي بچق ليرانك اصول مذكوك اوچيوز قرق اوچنجي ماده سنه توفيقاً مستدعي به اعاده سنه و درتيوز غروش اعلام خرجك تعرفه وتعليمات مخصوصه سي موجبنجه بالاخره حقسز چيقه جق طرفدن استيفاسه ۲۴ حزيران ۳۳۰ تاريخده متفقاً قرار ويرلدي .



- (۱) - ...
- (۲) - ...
- (۳) - ...
- (۴) - ...
- (۵) - ...
- (۶) - ...
- (۷) - ...
- (۸) - ...
- (۹) - ...
- (۱۰) - ...
- (۱۱) - ...
- (۱۲) - ...
- (۱۳) - ...
- (۱۴) - ...
- (۱۵) - ...
- (۱۶) - ...
- (۱۷) - ...
- (۱۸) - ...
- (۱۹) - ...
- (۲۰) - ...
- (۲۱) - ...
- (۲۲) - ...
- (۲۳) - ...
- (۲۴) - ...
- (۲۵) - ...
- (۲۶) - ...
- (۲۷) - ...
- (۲۸) - ...
- (۲۹) - ...
- (۳۰) - ...
- (۳۱) - ...
- (۳۲) - ...
- (۳۳) - ...
- (۳۴) - ...
- (۳۵) - ...
- (۳۶) - ...
- (۳۷) - ...
- (۳۸) - ...
- (۳۹) - ...
- (۴۰) - ...
- (۴۱) - ...
- (۴۲) - ...
- (۴۳) - ...
- (۴۴) - ...
- (۴۵) - ...
- (۴۶) - ...
- (۴۷) - ...
- (۴۸) - ...
- (۴۹) - ...
- (۵۰) - ...
- (۵۱) - ...
- (۵۲) - ...
- (۵۳) - ...
- (۵۴) - ...
- (۵۵) - ...
- (۵۶) - ...
- (۵۷) - ...
- (۵۸) - ...
- (۵۹) - ...
- (۶۰) - ...
- (۶۱) - ...
- (۶۲) - ...
- (۶۳) - ...
- (۶۴) - ...
- (۶۵) - ...
- (۶۶) - ...
- (۶۷) - ...
- (۶۸) - ...
- (۶۹) - ...
- (۷۰) - ...
- (۷۱) - ...
- (۷۲) - ...
- (۷۳) - ...
- (۷۴) - ...
- (۷۵) - ...
- (۷۶) - ...
- (۷۷) - ...
- (۷۸) - ...
- (۷۹) - ...
- (۸۰) - ...
- (۸۱) - ...
- (۸۲) - ...
- (۸۳) - ...
- (۸۴) - ...
- (۸۵) - ...
- (۸۶) - ...
- (۸۷) - ...
- (۸۸) - ...
- (۸۹) - ...
- (۹۰) - ...
- (۹۱) - ...
- (۹۲) - ...
- (۹۳) - ...
- (۹۴) - ...
- (۹۵) - ...
- (۹۶) - ...
- (۹۷) - ...
- (۹۸) - ...
- (۹۹) - ...
- (۱۰۰) - ...

مذرجات

۱۳۳۰ ايلول

قسم رسمي

مجموعه
نومروسي

۱۸ اغستوس ۳۳۰ ۶۱۶۹

» » » »

۲۱ » » » ۶۱۷۰

» » » »

» » » »

» » » »

(۱) - قانون جزائك آلتشنجي و آلتش آلتشجي { ۱۷ تموز ۳۳۰ ۶۱۷۲
ماده لرينه ذيل

(۲) قانون جزائك يوزاللي بشنجي ماده سنه ذيل ۱۳ » » ۶۱۷۳

(۳) نفوس قانوني ۱۴ اغستوس ۳۳۰ ۶۱۷۳

نومبريات عدليه

(۱) -

(۲)

(۳)

(۴)

(۵)

(۶)

قوانين ونظامات

» »

» »

٦١٨١	(١) — جلب و احضار مذكرة لرينك تبليغ و انفاذى حقننده	تبليغات عموميه
٦١٨٢ ٣٣٠ ٢٩ حزينان	(١) — تبليغه امضادن استنكاف تقديرنده مباشرك وظيفه سى	محكمه تميز هيئت عموميه مقرراتى
٦١٨٣ ٣٢٨ ١٥ مارت	(١) التزام	محكمه تميز حقوق داره سى مقرراتى
٦١٨٥ ٣٣٠ ١٩ مائس	(٢) مرور زمان	» »
٦١٨٦ ٣٣٠ ١٠ حزينان	(٣) غصب ادعاسنه دائر	» »
٦١٨٧ ٣٣٠ ١٦ تموز	(٤) آبرى آبرى اشخاصك استيجار ايتديكى محللردن دولاي اقامه دعوى	» »
٦١٨٨ » » ١٩	(٥) كشف اسباب حكمدن دكلدر	» »
٦١٩٠ ٣٣٠ ١٤ مائس	(٦) مزراع صورتيه عقد شركتده حق رجحان	» »
٦١٩٢ ٣٣٠ ٢٢ حزينان	(١) — مدعى عمومى و كالتنده بولند بريلان اعضا ملازمنك هيئت حاكمه مياننه آلمسى	محكمه تميز جزا داره سى مقرراتى
٦١٩٣ ٣٣٠ ٩ تموز	(٢) محاكم نظاميه رؤسا و اعضاسندن و يامدى عموميلريله مستنطقلردن برينك جرائم شخصيه لردن دولاي اجراى محاكمه لرى	» »
٦١٩٥ ٣٣٠ ٦ اغستوس	(٣) قصدا و يا خطاء قتل	» »
٦١٩٦ » » ١٣	(٤) قتل	» »
٦١٩٧ ٣٢٨ ٨ تشرين اول	(١) — مدعى عموميلك و كالتنده بولنمش اولان اعضا ملازمنك هيئت حاكمه مياننده بولنمشى	محكمه تميز استماع داره سى مقرراتى
٦١٩٨ ٣٣٠ ٢٢ تموز	(٢) ذمتنه مال ميرى كچيرمك	» »

قسم غير رسمى

مقالات

٦٢٠١ مترجى سلايك مكتب حقوق معلمين سابقه سندن
و وكلاى دعاويدن نظرت خاجريان افندى

اسويجه قانوننامه برينسى

(١)

(٢)

(٣)

(٤)

(٥)

(٦)

(٧)

(٨)

(٩)

(١٠)